



selangorkini

PERCUMA

PP 19570/07/2020 (035196)

EDISI 9 - 15 NOVEMBER 2023

www.selangorkini.my

Syarikat negeri menang anugerah



Pengarah Urusan / Ketua Pegawai Eksekutif KSSB Abdul Rahman Ishak (kiri) menerima anugerah daripada Timbalan Ketua Pengarah (Operasi) Jabatan Mineral dan Geosains Kamaruddin Abdullah di Persidangan dan Pameran Kuari IQM Conex 2023 di Hotel Marriot, Putrajaya pada 24 Oktober 2023

SHAH ALAM - Kumpulan Semesta Sdn Bhd (KSSB) julung kalinya menerima anugerah kecemerlangan daripada Institut Kuari Malaysia (IQM) bagi pencapaian dan sumbangan dalam industri pengkuarian Malaysia.

Anugerah tersebut disampaikan Timbalan Ketua Pengarah (Operasi) Jabatan Mineral dan Geosains Kamaruddin Abdullah kepada Pengarah Urusan / Ketua Pegawai Eksekutif Abdul Rahman Ishak ketika Persidangan dan Pameran IQM Conex pada 24 Oktober.

IQM Conex dianjurkan Institut Kuari Malaysia setiap tahun dan tahun ini bertemakan Kecemerlangan Kuari: Alam Sekitar, Sosial dan Tadbir Urus dan Industri 5.0.

Abdul Rahman berkata sebagai anak syarikat Kerajaan Negeri yang memfokuskan sektor perlombongan dan kuari, KSSB sentiasa memberi keutamaan dalam mencapai tadbir urus korporat yang baik.

"Terima kasih kepada Kerajaan Negeri yang memberikan sokongan terus dan kepercayaan serta semua kakinangan atas komitmen yang diberikan, sekali gus membolehkan syarikat mendapat pengiktirafan berkenaan.

"Kerja kuat dan dedikasi semua membolehkan KSSB mencapai kejayaan. Kakinangan kami adalah tunjang kejayaan KSSB, komitmen dan tenaga mereka telah memainkan peranan penting dalam membawa kami ke tahap sekarang," katanya.

KSSB juga mendapat dua pensijilan

ISO 9001: 2015, sistem pengurusan kualiti menerusi bidang pengekstrakan, pengekuaran dan penjualan pasir serta pembinaan dan penyelenggaraan jalan raya oleh SIRIM QAS International Sdn. Bhd sejak 2018.

"Pensijilan ISO 9001 : 2015 ini membuktikan bahawa produk atau perkhidmatan yang diberikan oleh KSSB memenuhi kehendak piawaian antarabangsa," kata KSSB dalam kenyataan.

Ditubuhkan pada 2008, syarikat itu awalnya terlibat dalam pengurusan eksplorasi, pengekstrakan, pengeluaran dan penjualan bahan batuan dan sumber mineral tetapi kini makin berkembang maju.

KSSB mengembangkan operasi dalam

pelbagai industri baharu termasuk perkhidmatan perundingan, inovasi digital, aplikasi penilaian jalan pintar, infra, perdagangan dan pembangunan air mineral melalui anak syarikat.

Syarikat itu juga terpilih dan dicalonkan mewakili Malaysia ke Anugerah 3rd ASEAN Mineral Awards bagi kategori Amalan Terbaik Dalam Perlombongan Mineral Bukan Logam di Phnom Penh, Kembodia pada 21 November 2023.

Sebelum ini KSSB mengharumkan nama negara dengan merangkul tempat pertama ketika Anugerah 2nd ASEAN Mineral Awards dalam kategori Amalan Terbaik Dalam Pengedaran Mineral Bukan Logam di Bangkok, Thailand pada 13 Disember 2019.

Sokong matlamat rendah karbon

SHAH ALAM - Tesla Malaysia melancarkan stesen pengecas kenderaan elektrik pertama yang menyediakan empat set kemudahan itu di pusat beli-belah Sunway Pyramid.

Dato' Menteri Besar Datuk Seri Amirudin Shari menjelaskan sebanyak 16 pengecas ada di seluruh negara dan angka itu dijangka meningkat tidak lama lagi dengan tambahan empat lagi di Melaka.

"Kini terdapat 16 pengecas di Malaysia dan jumlah itu akan meningkat pada masa akan datang kerana terdapat empat lagi akan dilancarkan iaitu di Outlet Freeport A'Famosa, Melaka.

"Dengan kelajuan pengecasan puncak 250kW, pengecas ini membolehkan Tesla Model 3 memperoleh jarak sehingga 282km dalam masa 15 minit," katanya pada 2 November.

Amirudin berharap lebih banyak stesen sedemikian pada masa depan seterusnya meningkatkan lagi penggunaan kenderaan elektrik.

Tambah dana perkasa Islam

GOMBAK - Dato' Menteri Besar Dato' Seri Amirudin Shari memberi bayangan peruntukan khas bagi memperkasa sektor pendidikan dan agama Islam akan ditambah dalam Belanjawan Selangor 2024.

Beliau juga bakal memperinci butiran peruntukan bagi mengembangkan beberapa industri lain dalam belanjawan yang dijadual dibentang di Dewan Negeri Selangor pada 10 November.

"Banyak (berita baik bajet kali ini). Sabar tunggu belanjawan nanti saya jelaskan. (Cuma) kita ada beberapa fokus untuk mengembangkan industri tertentu."

"Kita sedia menambah insentif untuk mereka yang ingin melanjutkan pelajaran. Juga berkaitan pengembangan agama Islam. Kita akan bangkitkan dua tiga perkara," katanya pada 5 November.

Pembentangan belanjawan itu disusuli sidang dewan yang dijangka berlangsung selama dua minggu.

IMBAS DI SINI
akbar digital minggu lepas

Beri ucaptama sidang belia Asean

SHAH ALAM - Duli Yang Teramat Mulia Raja Muda Selangor Tengku Amir Shah diberi penghormatan menyampaikan titah ucaptama pembukaan Persidangan Belia Asean 2023 di Jakarta, Indonesia.

Baginda menyentuh pelbagai isu serantau termasuk penglibatan belia dalam pembangunan ekonomi dan peranan sebagai pemimpin bagi mencungkil bakat mereka dalam ucaptama pada 3 November.

Tengku Amir juga menyeru belia diberi ruang untuk terlibat aktif dalam proses penggubalan dasar supaya suara mereka benar-benar didengar

seterusnya idea diterjemah dalam tindakan.

"Hal ini menggalakkan kewarganegaraan aktif di mana golongan muda bukan sahaja menjadi penerima manfaat, malah terlibat aktif dalam melakukan perubahan positif," titah Baginda.

Menurut Selangor Royal Office di Facebook, Baginda bertitah demikian dalam ucaptama bertajuk 'Mencipta Perubahan yang Mampan untuk Rantau Asean'.

Keberangkatan Tengku Amir diiringi Orang-Orang Besar Istana iaitu Tengku Musahiddin Shah, Tengku Saifan Rafhan

Putra dan Tengku Ezrique Ezzuddean.

EXCO Belia Najwan Halimi, Pengarah Eksekutif Majlis Sukan Negeri Selangor Mohd Nizam Marjugi, Timbalan Presiden Majlis Belia Selangor Mohd Hidayat Mohd Sauffi dan Ketua Pegawai Eksekutif Selangor Youth Community Nurul Azwa Rodzi hadir sama.

Baginda juga bertemu delegasi antarabangsa antaranya Timbalan Setiausaha Agung Asean (Hal Ehwal Komuniti dan Korporat) Tran Duc Binh, Pengarah Eksekutif Asean Foundation Dr Piti Sri-sangnam dan Wakil Tetap Malaysia ke Asean Dato' Nur Izzah Wong Mee Choo.

Seru kekal perpaduan

Rukun Negara panduan rakyat

Oleh **SITI ROHAIZAH ZAINAL**

KLANG - Segenap lapisan rakyat perlu kekal bersatu padu dengan menjadikan Perlembagaan Persekutuan dan Rukun Negara asas bagi mendepani pelbagai cabaran pada masa depan.

Dato' Menteri Besar berharap orang ramai tidak terperangkap dengan gelagat masyarakat dunia yang berdepan isu identiti hingga membakar emosi seterusnya menimbulkan perotelahan.

Sebaliknya, Dato' Seri Amirudin Shari percaya semangat perpaduan

erat dalam kalangan rakyat membantu negara melepassi pelbagai bentuk halangan khususnya dalam menangani isu ekonomi.

"Jika berpecah belah dan terikut keinginan menegak identiti tanpa mengira persekitaran, kita akan terperangkap hingga menyebabkan berbalah dan mungkin rasa curiga antara satu sama lain.

"Kita harus bersatu padu, eratkan hubungan antara masyarakat dengan menjadikan perlembagaan sebagai asas, Rukun Negara yang kita ikrar ikat bersama dari dahulu sehingga kini," katanya pada 4 November.

Amirudin menambah masyarakat di negara ini terus menikmati keamanan pada saat negara lain berdepan cabaran politik identiti sehingga berlaku perpecahan yang mengakibatkan peperangan.

"Hari ini, saat beberapa tempat di dunia lain berdepan dengan cabaran sukar hingga berlaku pertempuran, Asia Tenggara tidak berdepan dengan situasi perang pergaduhan kaum."

"Tetapi jika gagal kekang kegoaan kepada identiti masing-masing, ia akhirnya merebak dan merosakkan, akhirnya ia menguasai rakyat hingga tidak mampu berdepan cabaran," katanya.

Selangor pusat pembangunan Asia

KLANG - Rakyat perlu merebut peluang ekonomi sekali gus menjadikan Selangor sebagai pusat pembangunan dan mengekal kedudukannya sebagai negeri penyumbang terbesar ekonomi negara.

Dato' Menteri Besar Dato' Seri Amirudin Shari berkata hasrat tersebut boleh dicapai jika orang ramai terus mengekalkan

perpaduan dan bekerja dengan penuh tatakelola dan berdisiplin.

Beliau percaya ia boleh dijayakan menerusi Rancangan Selangor Pertama (RS-1) sekali gus melepassi pelbagai halangan bahkan Selangor berupaya menjadi pusat tarikan di Asia.

"Kita ada resipi, ada ramuannya. Ramuan daripada segi rakyat berbilang

kaum, latar belakang, kebudayaan dan tamadun hebat," katanya pada 4 November.

Katanya, sasaran itu boleh dicapai berikutan Selangor ada lapangan terbang, pelabuhan selain program tertentu dengan kekuatan ekonomi sama ada subsektor pembuatan atau perkhidmatan.

5,000 hadiri sambutan Deepavali

KL - Hampir 5,000 penduduk terutama penganut Hindu merai program sambutan Deepavali peringkat negeri di tempat letak kereta Dataran Klang@ Padang Chetty di sini.

Dato' Menteri Besar Dato' Seri Amirudin Shari dan Penasihat Undang-Undang Negeri Selangor Dato' Salim Soib@ Hamid serta beberapa EXCO negeri juga memeriahkan majlis berkeraan.

Turut beramah mesra dengan pengunjung, Amirudin mengajak orang ramai supaya mengukuhkan lagi nilai persaudaraan sedia ada sesama keluarga dan masyarakat keseluruhan.

"Mari kita jadikan Deepavali ini sebagai titik penting untuk menjadi rakyat bersatu padu dan berupaya melepassi cabaran pada masa depan," katanya ketika berucap pada 4

November.

Beliau turut menyampaikan sumbangan yuran kemasukan ke institusi pengajian tinggi kepada 104 pelajar dari kalangan golongan berpendapatan rendah keseluruhan berjumlah RM590,016.75.

Amirudin juga menyampaikan bantuan fasa empat kepada 53 kuil berjumlah RM515,000.



MENARIK... Duli Yang Maha Mulia Sultan Sharafuddin Idris Shah Alhaj dan Tengku Permaisuri Selangor Tengku Permaisuri Hajah Norashikin berkenan melawat Pameran Sarawakiana 'Tradisi Kita Khazanah Kita' di Pustaka Negeri Sarawak, Kuching pada 5 November. Foto Facebook Selangor Royal Office

Raja Muda berdialog dengan delegasi Asean

Kongsi pengalaman bangunkan belia

Oleh SITI ROHAIZAH ZAINAL

SHAH ALAM - Duli Yang Teramat Mulia Raja Muda Selangor berkenan menerima menghadap dan berdialog bersama rombongan Organisasi Belia ASEAN (AYO) sempena Persidangan Belia Asean 2023.

Tengku Amir Shah turut menzahirkan pengiktirafan terhadap usaha organisasi tersebut dalam menggerakkan program pemberdayaan belia pada peringkat Asia Tenggara di Jakarta, Indonesia.

"Baginda mengimbau dan berkongsi pengalaman tatkala mengasas dan membangunkan Selangor Youth Community (SAY) pada 2015 hingga men-

capai tahap yang membanggakan sebagai pertubuhan belia yang disegani," kata EXCO Belia Mohd Najwan Halimi di laman X.

Sesi dialog yang diketuai pengasas AYO Senjaya Mulia turut disertai Wakil Tetap Malaysia ke Asean Dato' Nur Izzah Wong Mee Choo.

Raja Muda turut berkenan menerima menghadap rombongan Sekretariat Asean diketuai Timbalan Setiausaha Agung Asean Tran Duc Binh selain bertemu pegawai serta diplomat Kerajaan Malaysia yang bertugas bersama sekretariat itu.

Baginda menzahirkan pendirian dan dukungan khusus kepada Asean sebagai teras kekuatan diplomasi ne-

gara Asia Tenggara, juga sebagai contoh negara lain dalam menangani cabaran geopolitik, keselamatan dan ekonomi serantau.

"Baginda turut bertitah menzahirkan penghargaan atas perkhidmatan pegawai dan diplomat Malaysia dalam menggerakkan Asean dan memastikan negara terus dihormati di pentas antarabangsa," katanya.

Sebelum ini, Raja Muda diberi penghormatan menyampaikan titah ucapan pada pembukaan Persidangan Belia Asean 2023 bertajuk 'Mencipta Perubahan yang Mampan untuk Rantau Asean' di Jakarta, Indonesia, pada 3 November.

FOTO MUKA 5 ►

Bangga kejayaan projek tanam padi

SHAH ALAM - Duli Yang Maha Mulia (DYMM) Sultan Selangor berbangga atas kerjasama Universiti Putra Malaysia kampus Bintulu (UPMB) dan Pejabat Premier Sarawak dalam menjayakan projek Transformasi Penanaman Padi AgriHub@Gedong.

Sultan Sharafuddin Idris Shah Alhaj bertitah projek itu memberi dampak keterjaminan makanan negara khususnya di Sarawak dalam meningkatkan hasil beras tempatan.

"Baginda turut berkenan menzahirkan ucapan terima kasih kepada Premier Sarawak Tan Sri Datuk Patinggi Abang Haji Abdul Rahman Zohari Tun Abang Haji Openg kerana sentiasa memberi sokongan dan kepercayaan UPMB."

"Baginda juga percaya pelaksanaan Pelan Strategik UPM 2021-2025 telah memberi perkembangan positif kepada UPMB, Sarawak," menurut kenyataan Selangor Royal Office di Facebook.

Pada 4 November, Sultan Sharafuddin bersama DYMM Tengku Permaisuri Selangor Tengku Permaisuri Hajah Norashikin, berkenan berangkat ke Istiadat Konvokesyen Universiti Putra Malaysia (UPM) ke-47 sidang satu di kampus Bintulu, Sarawak.

Baginda yang juga Tuanku Canselor UPM turut bertitah penghasilan seramai 8,413 alumni UPMB sejak pembukaan kampus itu pada 2001 menjadi fungsi penting dalam menyediakan tenaga kerja mahir untuk keperluan sektor ekonomi negara.

Sultan Sharafuddin juga percaya usaha yang giat dijalankan UPM akan mengubah landskap pendidikan negara khususnya di Sarawak sekali gus memenuhi keperluan sumber tenaga kerja pakar negeri itu.

"Baginda turut menzahirkan ucapan tahniah kepada 487 graduan yang menamatkan pengajian di UPM Kampung Bintulu dan diraikan dalam istiadat berkenaan," tambah kenyataan tersebut.



LIPUTAN MENYELURUH

BELANJAWAN SELANGOR 2024

TARIKH
10 NOVEMBER 2023 (JUMAAT) | 3 PETANG

MASA



Perluas operasi van transit

KUALA LUMPUR - Perkhidmatan van transit atas permintaan (DRT) diperluas ke lebih banyak kawasan mulai bulan ini berikutan permintaan tinggi daripada orang ramai.

EXCO Mobiliti Ng Sze Han berkata zon baharu ialah Ampang, Bandar Utama dan USJ sekali gus meningkatkan rangkaian perkhidmatan itu yang beroperasi di Puchong, Gombak dan Selayang.

"Fasa seterusnya diteruskan pada tahun hadapan meliputi empat zon iaitu Shah Alam, Klang, Hulu Kelang dan Universiti Putra Malaysia (UPM).

"Perkhidmatan itu tertumpu di lokasi padat dan laluan sempit yang tidak boleh dilalui Bas Smart Selangor. Orang ramai boleh muat turun aplikasi untuk mendapat perkhidmatan itu," katanya pada 1 November.

Perkhidmatan berkenaan dijangka melengkapkan ekosistem pengangkutan awam negeri dan berfungsi berdasarkan permintaan menerusi aplikasi penghalaan pintar, bukan seperti bas henti-henti.

Rangka dasar pemutihan kilang

SHAH ALAM - Satu dasar baharu akan dirangka tahun depan bagi menarik lebih ramai pengusaha kilang haram di negeri ini untuk memutihkan premis mereka.

EXCO Kerajaan Tempatan Ng Suee Lim berkata usaha itu dibuat memandangkan program pemutihan sudah tamat dan lesen sementara hanya diberi sehingga hujung tahun ini.

"Saya nak bagi satu 'booster' atau gerak gempur untuk kilang tanpa kebenaran ini tetapi ia memerlukan sedikit masa, mungkin kita wujudkan 'task force' yang mesra rakyat atau dinamik yang boleh menarik pengusaha ini putihkan kilang mereka," katanya pada 6 November.

Suee Lim turut mengingatkan pemilik mengambil serius dan berusaha memutihkan kawasan perindustrian mereka bagi mengelakkan tindakan lebih berat dike-nakan pada masa akan datang.

"Apabila sampai masanya pihak Kerajaan Negeri pasti akan melaksanakan pen-guatuasaan yang tegas kepada mereka yang ingkar dan tidak berganjak termasuk tindakan merobohkan dan merampas tanah mengikut Seksyen 129 (5) (b) Kanun Tanah Negara 1965," jelasnya.

Kekal peruntukan tingkat pelaburan

KUALA LUMPUR - Peruntukan besar untuk portfolio pelaburan dalam belanjawan negeri dijangka meningkatkan lagi nilai pelaburan negeri, kata EXCO Pelaburan dan Perdagangan Ng Sze Han.

Beliau yakin program Sidang Kemuncak Perniagaan Antarabangsa Selangor (SIBS), Pameran Udara Selangor (SAS) dan program pembentangan usahawan digital bakal merancakkan pelaburan.

"Ketiga-tiga program tersebut mempunyai sasaran berbeza tetapi satu

matlamat iaitu menarik lebih ramai pelabur berkualiti untuk melabur di Selangor.

"SAS membantu mempromosi industri angkasa sekali gus menjadikan Selangor hab aeroangkasa manakala program pembentangan pula membantu syarikat menaik taraf perniagaan," katanya pada 1 November.

Dato' Menteri Besar Dato' Seri Amirudin Shari dijadual membentang Belanjawan Selangor 2024 dalam sidang

Dewan Negeri Selangor (DNS) pada 10 November diikuti sesi perbahasan dewan.

Bagi belanjawan negeri tahun ini, sebanyak RM2.45 bilion diluluskan melibatkan perbelanjaan pengurusan berjumlah RM1.25 bilion manakala pembangunan pula RM1.2 bilion.

Tahun lalu, Selangor memperoleh tempat kedua keseluruhan pelaburan diluluskan berjumlah RM60.1 bilion, menanggisi Sarawak dengan RM28.2 bilion.



Projek jalan Rawang-Batang Berjuntai atas sesak

Naik taraf manfaat 100,000 pengguna

Oleh NORRASYIDAH ARSHAD

GOMBAK - Kerja naik taraf jalan Rawang-Batang Berjuntai yang siap sepenuhnya pada Mac berupaya menyurai kesesakan trafik sekitar Rawang terutama pada waktu puncak.

Dato' Menteri Besar Dato' Seri Amirudin Shari berkata projek yang siap serentak pembinaan jambatan atas Lebuh Raya Utara Selatan (Plus) turut mengatasi isu banjir di kawasan tersebut.

Beliau menjelaskan lebih 100,000 penduduk sekitar Rawang dan ka-

wasan berhampiran mendapat manfaat menerusi dua projek bernilai hampir RM100 juta itu.

"Isu kesesakan jalan ini berlaku lama, lebih 20 tahun. Projek ini pun tertangguh lama sejak 2009 disebabkan perolehan rendah dan kontraktor tidak dapat buat.

"Kita tawarkan semula tender dan kerja berjalan pada 2020 manakala jambatan 2018. Sepatutnya siap lebih awal tetapi tertangguh akibat penularan Covid-19," katanya pada 3 November.

Beliau menyaksikan pertukaran dokumen projek itu antara Pengarah

Jabatan Kerja Raya Selangor Lokman Nasir dan Timbalan Setiausaha Kerajaan Negeri (Pembangunan) Dato' Johary Anuar.

Amirudin menambah kawasan sekitar Rawang akan menerima pembangunan pesat selepas projek jalan persekuatan berhampiran stesen kereta api Rawang hingga persimpangan tol Plus siap pada 2027.

"Projek ini bermula tahun lalu melibatkan kos RM445 juta. Dengan siapnya projek ini, keterhubungan lebih meluas termasuk naik taraf Sungai Gong. Ini menjadikan kawasan bebas dengan kesesakan serta pencemaran," katanya.

Inisiatif baharu sektor perumahan

KUALA LUMPUR - Perumahan dan hartaan antara sektor tumpuan dalam Belanjawan Selangor 2024 yang bakal dibentang Dato' Menteri Besar Dato' Seri Amirudin Shari pada 10 November.

Menurut EXCO Perumahan Borhan Aman Shah, beberapa inisiatif baharu berkaitan perumahan bakal diumumkan dalam

pembentangan berkenaan.

"Yang saya nampak belanjawan menjurus kepada perumahan. Jadi, saya rasa (ada) inisiatif terbaru akan diumumkan nanti. Akan ada inisiatif terbaru melibatkan perumahan," katanya.

Beliau berkata demikian selepas merasmikan Expo Rumah BPEX di Pusat Pameran Mid Valley di sini pada 4 Oktober.

Pada 30 September, Amirudin menyatakan keyakinan mencapai sasaran membina 60,000 unit Rumah Selangorku menjelang 2025 berikut 45,000 unit dijangka siap menjelang akhir tahun ini.

Beliau dijadual membentang Belanjawan Selangor 2024 dalam sidang Dewan Negeri Selangor pada 10 November disusuli sesi perbahasan dewan hingga 24 November.

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
09 Khamis	5:38	5:48	6:56	1:00	4:21	6:58	8:10
10 Jumaat	5:38	5:48	6:56	1:00	4:21	6:58	8:10
11 Sabtu	5:38	5:48	6:56	1:00	4:21	6:58	8:10
12 Ahad	5:38	5:48	6:56	1:00	4:21	6:58	8:10
13 Isnin	5:38	5:48	6:56	1:00	4:22	6:58	8:11
14 Selasa	5:38	5:48	6:57	1:00	4:22	6:58	8:11
15 Rabu	5:39	5:49	6:57	1:01	4:22	6:58	8:11

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
5:38	5:48	6:56	1:00	4:21	6:59	8:11
5:38	5:48	6:57	1:00	4:22	6:59	8:11
5:38	5:48	6:57	1:01	4:22	6:59	8:11
5:38	5:48	6:57	1:01	4:22	6:59	8:11
5:38	5:48	6:57	1:01	4:22	6:59	8:12
5:38	5:48	6:57	1:01	4:23	6:59	8:12
5:39	5:49	6:58	1:01	4:23	7:00	8:12

Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
5:40	5:50	6:58	1:02	4:23	7:00	8:12
5:40	5:50	6:58	1:02	4:23	7:00	8:12
5:41	5:51	6:58	1:02	4:24	7:00	8:12
5:41	5:51	6:58	1:03	4:24	7:00	8:12
5:41	5:51	6:59	1:03	4:24	7:00	8:12
5:41	5:51	6:59	1:03	4:25	7:00	8:13



KERJASAMA... Duli Yang Teramat Mulia Raja Muda Selangor Tengku Amir Shah (tengah) berkenan menerima menghadap delegasi Sekretariat Asean diketuai Timbalan Setiausaha Agung Tran Duc Binh (kanan) sempena Persidangan Belia Asean 2023 di Jakarta, Indonesia pada 3 November. Baginda diiringi EXCO Belia Najwan Halimi. Foto Facebook Selangor Royal Office

Lima peniaga lawat Alibaba

Kembang jaringan ke China

Oleh SITI ROHAIZAH ZAINAL

KUALA LUMPUR - Lima syarikat perusahaan kecil dan sederhana (PKS) menang program Selangor e-Commerce Xcelerator 2023 (ECX23) kohort pertama anjuran Perbadanan Teknologi Maklumat dan Ekonomi Digital Selangor (Sidec).

Nori Malaysia Sdn Bhd, Pastels Group Sdn Bhd, Shapee Trading & Distribution (M) Sdn Bhd, Sonobee Ultrasound Sdn Bhd dan Big Bath Sdn Bhd masing-masing menerima RM25,000 merangkumi wang tunai RM3,000 dan lawatan perniagaan ke Hangzhou, China.

Majlis penyampaian hadiah yang disempurnakan EXCO Pelaburan dan Perdagangan Ng Sze Han turut dihadiri Ketua Pegawai Eksekutif Sidec Yong Kai Ping di sini pada 1 November.

Menurut Sze Han, program tersebut landasan terbaik kepada syarikat PKS untuk mengembangkan perniagaan ke peringkat lebih tinggi menerusi platform e-dagang.

"Mereka bukan sahaja menang wang tunai tetapi berpeluang me-

lawat peneraju perniagaan e-dagang Alibaba. Ini sekali gus menjadi platform untuk mengembangkan jaringan perniagaan," katanya.

Beliau berharap syarikat terpilih ke lawatan perniagaan memanfaat peluang untuk mengumpul pengetahuan sekali gus memajukan lagi ekonomi digital di Selangor.

Pengasas Pastels Group Sdn Bhd Sarini Zainal Abidin menyifatkan penyertaan syarikat yang menghasilkan produk kecantikan dalam program pembentangan perniagaan itu sebagai berharga.

"Apabila mendapat pengalaman ini, saya tidak melepaskan peluang kerana menjadi platform untuk mengembangkan perniagaan ke peringkat global," katanya.

Program yang menjadi kesinambungan Anugerah Usahawan e-Dagang Terbaik Malaysia (Top ECM) diadakan selama tiga bulan mulai Ogos menyediakan bengkel komprehensif.

Ia dijaya dengan kerjasama Afin Bank dan Invest Selangor Berhad selain Lazada, Pos Malaysia, Easy-Store, dan Permodalan Negeri Selangor Berhad.



Bentuk sahsiah anak era digital

SHAH ALAM - Warga pendidik dan ibu bapa perlu sentiasa memberi tumpuan kepada pembentukan sahsiah anak berikut perkembangan era digital, kata EXCO Kemajuan Desa Datuk Rizam Ismail.

Beliau mengingatkan mereka perlu bijak membina perwatakan anak kerana dunia berkembang pesat dengan capaian internet termasuk teknologi telefon pintar boleh diakses tanpa sempadan.

"Corakan didikan penting dalam membentuk kekuatan nilai moral, integriti dan menanam jati diri yang kuat," katanya pada 5 November.

Dalam program Hari Potensi Tabika Jabatan Kemajuan Masyarakat peringkat kebangsaan di sini, Rizam berkata Program Transformasi Sekolah 2025 bertujuan mendukung ledakan digital.

"Pelan Transformasi Digital Pendidikan Awal Kanak-Kanak Kemas 2023-2030 digubal bagi membentuk modal insan luar bandar yang lestari berteras pengetahuan digital.

"Saya harap inisiatif ini melonjakkan literasi digital yang menjadi pemangkin kepada akses pendidikan bermutu kepada lebih 200,000 kanak-kanak tabika Kemas seluruh Malaysia," katanya.

GAMUDA LAND

GARDENS

Miliki Rumah Idaman Anda di Gamuda Gardens

ILLARIA
Teres dan Rumah Bandar

JOYA
Teres Superlink

GAIA RESIDENCES AT GAMUDA GARDENS
Apartmen Servis

Diskaun Bumiputera sehingga 10%*

*Tertakluk kepada terma dan syarat

Sincere Responsible Original

Danstar General Development Sdn Bhd (201200002020) • No Lawar Perlesenian: 19124/20-2026002499 • Tempoh Dak: 08/02/2023 - 08/02/2028 • No. Permit Ijar & Jualan: 19124/91-2024/010698-09 • Tempoh Dak: 23/01/2023 - 23/01/2024 • Projek Berstatus Klasifikasi Mulus Perlembagaan Selangor • No. Bahagian Pejabat Bangunan: 88/225 • MRK: 3/2-127-1442P/RH/PLAT-A-A • Penggunaan Tanah: Pekan/Semeru (68 Tanah • Jenis Rumah: Rumah Teres/Dua Tingkat • Bilangan Unit: 100 unit • Harga: RM407,000.00 (200 m²) sehingga RM1,000,000.00 (400 m²)) • Projek Berstatus Klasifikasi Mulus Perlembagaan Selangor • No. Bahagian Pejabat Bangunan: 88/225 • MRK: 3/2-127-1442P/RH/PLAT-B-B • Penggunaan Tanah: Pekan/Semeru (69 Tanah • Luas tanah: 120/61.18 m² • Bahagian Tanah: Tadka • Jenis Rumah: Rumah Teres/Dua Tingkat • Bilangan Unit: 144 unit • Harga: RM404,000.00 (200 m²) sehingga RM1,000,000.00 (400 m²)) • Projek Berstatus Klasifikasi Mulus Perlembagaan Selangor • Tanah ini tidak boleh dipercantik atau digunakan untuk meruntuhkan dengan keadaan pernahnya negara • RUMAH INI TELAH DILELAKUAN OLEH JABATAN PERBAKAAN NEGARA

Gamudaland.com.my
03 6037 2888

Negeri sedia pelan ekonomi penjagaan

SHAH ALAM - Kerangka ekonomi penjagaan bakal terbit pada April tahun depan sebagai dokumen rujukan semua pihak sekali gus memastabat hala tuju sektor berkenaan.

EXCO pembangunan wanita berkata keputusan berkenaan dibuat dalam Simposium Ekonomi Penjagaan Selangor 2023 yang juluung kali diadakan pada 30 dan 31 Oktober.

"Kerangka ini menjadi dokumen kepada semua pemegang taruh. Kita juga mahu membentuk Majlis Tindakan Ekonomi Penjagaan Negeri Selangor yang dipengerusikan Dato' Menteri Besar.

"Badan ini bertindak sebagai perancang, pemantau dan memberi saranan berkait agenda penjagaan di negeri ini," kata Anfaal Shari dalam kenyataan pada 1 November.

Ketika merasmikan simposium pada 30 Oktober, Dato' Seri Amirudin Shari berkata Selangor bakal menubuh enakmen berhubung sektor penjagaan kanak-kanak, warga emas dan orang kurang upaya (OKU).

Dua taska khas bantu anak OKU

SHAH ALAM - Dua taska orang kurang upaya (OKU) yang beroperasi di Selangor membantu ibu bapa yang memiliki anak istimewa untuk mendapat pendidikan.

EXCO Kebajikan Masyarakat Anfaal Saari berkata taska tersebut menggunakan pendekatan inklusif, penuh kasih sayang dan belas kasihan untuk memaksimumkan potensi kanak-kanak.

Beliau menjelaskan Taska OKU Little Leaders Child Care Centre (LLCC) dan Taska OKU Istikajaya yang beroperasi di Shah Alam dan Puchong menerima geran kerajaan persekutuan RM374,520.

"Kita memperkenal taska OKU dan mempromosi kewujudannya untuk membantu ibu bapa atau penjaga yang mempunyai anak-anak OKU mendapat pendidikan sesuai dengan ketidakupayaan dihadapi," katanya ketika merasmikan taska LLCC di sini pada 31 Oktober.

Pangkas pokok demi keselamatan

SHAH ALAM - Pihak berkuasa tempatan (PBT) sentiasa menjalankan kerja memangkas dahan terutama pokok berusia demi memastikan keselamatan awam.

Namun, Setiausaha Kerajaan Negeri Dato' Haris Kasim menjelaskan beberapa kejadian pokok tumbang kebelakangan ini tidak dapat dielak ekoran ribut kencang.

"Dalam rutin PBT memang ada kerja memangkas pokok dan dahan tetapi ribut terlampaui kuat hingga pokok tumbang.

"Kalau (ribut) normal, pokok tidak tumbang. Bagaimanapun PBT ambil tindakan pantas membersihkan kawasan terjejas bagi mengelakkan kejadian tidak diingini," katanya pada 2 November.

Hulur RM500 bantuan mangsa bah

HULU LANGAT - Keluarga terjejas banjir di Selangor akan menerima bantuan kewangan RM500, kata Dato' Menteri Besar.

Dato' Seri Amirudin Shari berkata maklum balas pantas turut diberikan bagi membantu operasi menyelamat dan pemindahan mangsa banjir ke pusat pemindahan sementara (PPS).

"Kita memang ada (peruntuk) RM500 kepada setiap (keluarga) mangsa terjejas," katanya pada 5 November.

Mengulas lanjut Amirudin berkata pihaknya sedang menunggu laporan berhubung langkah yang telah diambil pihak berkaitan bagi mengelak banjir.

"Contohnya di Kampung Chemperai (Sepang) ia antara kawasan yang memang lazim berdepan banjir. Pada 2021 antara isunya adalah ban pecah kali ini saya nak tengok adakah ban itu pecah sekali lagi atau tidak walaupun kita sudah ubah kaedah pembinaan.

"Selain itu, kita tengok (faktor banjir) juga berkait dengan jumlah hujan yang diterima. Setakat ini saya puas hati dengan (gerak kerja) daripada segi respon dan maklum balas menyelamat serta bantuan ke tempat pemindahan.

"Tapi belum puas hati apakah langkah telah diambil sebab saya nak tengok sejauh mana tempat yang biasa hotspot (banjir) itu telah diambil tinjakan. Arahan kita sudah keluarkan sebulan lepas," katanya.

Ambil pengajaran bencana 2021

Persiapan hadapi banjir luar jangka

Oleh SOFIA NASIR

SHAH ALAM - Tragedi banjir luar biasa pada 2021 memberi pengajaran kepada pentadbiran negeri supaya sentiasa peka terhadap sebarang kebarangkalian perubahan cuaca.

Dato' Menteri Besar Dato' Seri Amirudin Shari berkata Selangor membuat persediaan awal pada semua peringkat bagi mengurangkan kesan kehilangan nyawa dan harta akibat bencana itu.

"Kita tidak ambil mudah. Ia mungkin boleh berlaku lagi dalam kadar tinggi sebagaimana dulu. Justeru, kita arahkan persediaan awal membabitkan semua peringkat.

"Kita juga lengkapkan (alatan) semua pihak. Kita dalam suasana perubahan cuaca yang tidak boleh dijangka," katanya.

Beliau menghadiri program minum petang sempena Kursus Kesiagaan Skuad Bencana Team Selangor di Seksyen 25 di sini pada 4 November. Ha-

dir sama wakil rakyat Kota Kemuning S Preakas.

Amirudin turut menyerahkan nomor badan Angkatan Pertahanan Awam kepada 50 sukarelawan Team Selangor yang tamat kursus bersama pasukan keselamatan itu.

Beliau juga menjelaskan penamatan kursus sukarelawan Team Selangor itu bermakna mereka boleh menyertai operasi mencari dan menyelamat peringkat awal bersama anggota keselamatan lain.

Patuh arahan ketika air naik

SEPANG - Orang ramai terutama di kawasan banjir dinasihat peka dengan keadaan semasa dan mengikut arahan pihak berwajib bagi mengelak insiden tidak diingini.

EXCO Pengurusan Bencana Najwan Halimi berkata mangsa bah dinasihat segera ke pusat pemindahan sementara (PPS) sekiranya diminta berbuat demikian oleh pihak berkuasa.

"Kita minta mereka bersiap siaga terutama yang tinggal di kawasan tum-

puan banjir, jika rumah berisiko mungkin boleh pindah barang ke tempat tinggi.

"Kalau sudah dilanda banjir mereka perlu patuh kepada arahan pasukan penguat kuasa yang melaksanakan proses menyelamat sebab saya difahamkan ada yang tidak mahu berpinjah ke PPS," katanya.

Beliau melawat mangsa banjir di PPS Sekolah Menengah Kebangsaan (SMK) Dengkil yang menempatkan 221

mangsa banjir daripada 65 keluarga di sini pada 6 November.

Mengulas lanjut Najwan berkata Kerajaan Negeri menerusi Tabung Benca Negeri Selangor memperuntukkan RM500 bagi setiap keluarga terjejas banjir yang berdaftar di PPS selain kotak bantuan makanan mangsa bencana.

"Setakat ini kira-kira 400 mangsa banjir di Sepang ditempatkan di tiga PPS dan tiada kemalangan jiwa dilaporkan," katanya.

Selaras bantuan, maklumat bencana

SHAH ALAM - Pembukaan pusat operasi bencana daerah di Klang, Hulu Langat dan Petaling mulai bulan ini memudahkan proses penyaluran maklumat dan penyelarasian bantuan kepada mangsa.

Menurut Setiausaha Kerajaan Negeri, pusat melibatkan belanja lebih RM240,000 itu dilengkapi sistem dan infrastruktur berteknologi tinggi yang sepenuhnya berfungsi dalam talian.

Dato' Haris Kasim berkata pembinaan bagi fasa pertama itu dibuat berikutnya tiga daerah itu sering berdepan banjir sebelum projek sama diperluas ke da-

erah lain menjelang tahun depan.

"Pusat ini akan memantau keadaan semasa dan mengumpul maklumat bencana sebelum dihantar ke Smart Selangor Operation Centre (SSOC) untuk tindakan lanjut termasuk bantuan kepada mangsa."

"Pusat ini juga menggunakan platform pengkongsian data negeri (SELGDX) bagi mendapatkan maklumat terkini dari agensi tertentu antara jabatan kaji cuaca, jabatan alam sekitar,



"Sebelum ini, kita menggunakan kaedah manual menyebabkan maklumat agak lambat," katanya selepas merasmikan pusat operasi bencana Petaling pada 2 November.

Dilancarkan bulan lalu, SELGDX menjadikan Selangor negeri pertama memiliki portal perkongsian data bersepadan melibatkan 70 jabatan dan agensi bagi memudahkan capaian dan pemprosesan data.

Ikon Agro bermula kecil-kecilan

Perniagaan maju hasil bantuan negeri

Oleh SITI ROHAIZAH ZAINAL

SHAH ALAM - Minat mendalam peternak ikan keli dan talapia sejak 2007 membuatkan hasil apabila dinobat pemenang Ikon Agro Selangor 2022 edisi ketiga.

Mohd Hafiz Nordin, 39, mula mencebur ke bidang ternakan ketika berusia awal 20-an secara kecil-kecilan sebelum berkembang dari semasa ke semasa hasil bantuan pentadbiran negeri.

"Tidak sangka dipilih antara ikon kerana semua calon ada perniagaan hebat. Kemenangan ini bukan sahaja hasil minat mendalam tetapi dibantu input dan alatan daripada Kerajaan Negeri."

"Setakat ini, perniagaan semakin

maju dengan penggunaan teknologi bioflok iaitu air kolam tidak perlu ditukar berbanding sebelum ini perlu disalur air baharu setiap hari.

"Dengan teknologi ini, ia menjimatkan air dan sesuai untuk pertanian di bandar," katanya pada 31 Oktober sekali gus menjadi titik permu- laan untuk membuka ladang ternakan baharu.

Kamarul Iqbal Ismail, 35, pula menyifatkan insentif itu menjadi pendorong untuk mengembangkan perniagaan melon yang bermula dari 1.6 ekar kepada tujuh ladang dengan keluasan 38 ekar.

Beliau menjelaskan ladang di Kuala Langat kini mampu menghasilkan 60 hingga 80 tan sebulan dengan kapasiti 139,000 polibeg berbanding sebelum

ini 8,000 polibeg.

Terdahulu, dua lagi usahawan dinobat sebagai Ikon Agro Selangor 2022 iaitu Faridah Khalid pengusaha lebah kelulut dan Mohd Noorhardy Mohd NoorZain yang mengusahakan taman nanas.

Mereka menerima wang tunai dan bantuan alatan bernilai RM10,000 serta trofi yang disampaikan EXCO Pertanian Ir Izham Hashim di Bangunan Perbadanan Kemajuan Pertanian Selangor.

Kerajaan Negeri juga merancang untuk memperluas tanaman melon dan ternakan udang kara pada ta- hun hadapan susulan maklum balas positif daripada pelanggan.

Menurut beliau usaha itu juga membantu meningkatkan pengeluaran sekali gus menambah pendapatan.



Kerjasama pulihkan projek terbengkalai

KUALA LUMPUR - Kerajaan Selangor dengan kerjasama Kementerian Pembangunan Kerajaan Tempatan (KPKT) berusaha memulihkan tiga projek terbengkalai ber nilai RM7.25 juta.

EXCO Perumahan Borhan Aman Shah menjelaskan kerja pemulihan itu dijalankan menerusi peruntukan Inisiatif Belanjawan 2023 Pemulihran Projek Perumahan Swasta Terbengkalai.

Katanya, ia melibatkan 325 unit rumah di Meru, Klang iaitu Taman Meru Makmur Lot 2223 dan 2224 (100 unit), Taman Meru Makmur Lot 2225 (30 unit) dan Pangaspuri Impian Meru (195 unit).

"Ia telah dimulakan dan dijangka siap pada 2025," katanya selepas merasmikan Expo Rumah BPEX Dewan 3, Pusat Pameran Mid Valley di sini pada 4 November.

Beliau berkata Kerajaan Negeri menerusi Lembaga Perumahan Hartanah Selangor (LPHS) sentiasa berusaha memberi komitmen dalam mengatasi masalah projek terbengkalai.

"LPHS sebagai agensi pemantauan sentiasa berusaha memastikan projek terbengkalai yang berpotensi dipulihkan seterusnya siap sehingga sijil layak menduduki diperoleh," katanya.

ETP @ OLAK LEMPIT
KILANG BERKEMBAR
DILENGKAPKAN DENGAN CCC

HAK MILIK KEKAL

Keluasan Tanah : 20k kps

Keluasan Bangunan : 15k kps

⚡ 400 AMP | ⚒ 3 TAN / M²

012-385 6733 / 012-356 3369

KLANGCAPITAL DEVELOPMENT SDN BHD (1063188-H)

ETP @ TELOK PANGLIMA GARANG
KILANG BERKEMBAR
DILENGKAPKAN DENGAN CCC

TELOK PANGLIMA GARANG
HAK MILIK KEKAL

Keluasan Tanah : 40k kps

Keluasan Bangunan : 30k kps

⚡ 1000 AMP | ⚒ 3 TAN / M²

012-385 6733 / 012-356 3369

WORLDCAPITAL DEVELOPMENT SDN BHD (1063245-K)

Baucar Deepavali ringan beban

SHAH ALAM - Seramai 120 penduduk di Dewan Undangan Negeri (DUN) Bukit Antarabangsa menerima baucar Jom Shopping sempena perayaan Deepavali tahun ini.

Wakil rakyat Mohd Kamri Kamaruddin berkata penyerahan kali kedua dengan kerjasama ahli Majlis Perbandaran Ampang Jaya itu berlangsung di pusat beli-belah Spectrum, Bandar Baru Ampang pada 5 November.

"Semoga dengan inisiatif bantuan musim perayaan dari Kerajaan Negeri Selangor ini dapat membantu meringankan sedikit perbelanjaan menjelang perayaan ini," katanya di Facebook.

Mohd Kamri turut mengingatkan penerima Skim Mesra Usia Emas untuk menghubungi pejabatnya di talian 03-4265 1330 sebelum mengambil baucar pada Khamis setiap minggu.

Tonjol kemampuan OKU dapat kerja

SHAH ALAM - Seramai 43 belia orang kurang upaya (OKU) menghadiri temu duga Mini Karnival Kerjaya OKU anjuran Jabatan Anak Istimewa Selangor (ANIS).

ANIS memaklumkan program pada 31 Oktober dengan kerjasama Pejabat Pertubuhan Keselamatan Sosial (Perkeso) Selangor itu dianjur bagi menonjolkan kemampuan mereka memperoleh pekerjaan.

"Menerusi karnival ini, belia OKU dapat didedahkan dengan peluang pekerjaan serta menonjolkan kelebihan dan kelayakan mereka untuk mendapatkan pekerjaan," katanya menerusi Facebook.

Antara syarikat yang terlibat dalam program temuduga tersebut adalah AEON Co (M) Bhd, Malayan Banking Berhad, Natural Wellness Industries Sdn Bhd dan EdisiJuta Parking Sdn Bhd.

400 keluarga hadir ke jualan murah

SHAH ALAM - Lebih 400 keluarga menerima manfaat program jualan murah bahan asas di Dewan Undangan Negeri (DUN) Kota Anggerik, kata Ahli Majlis Bandaraya Shah Alam (MSBA) Zon 20.

Ghandimathi Suppiah juga menambah kebanyakan pengunjung hadir seawal 7.30 pagi untuk mendapatkan nombor giliran meski program Jualan Ehsan Rahmah (JER) bermula jam 10 pagi.

"Ramai juga pengikut Hindu berbelanja sebagai persiapan menyambut Deepavali tidak lama lagi. Kita harap program JER ini dapat membantu mereka yang menyambut perayaan untuk berjimat.

"Pengunjung dapat berbelanja dengan selesa dan apa yang penting mereka dapat menikmati manfaat yang disalurkan Kerajaan Negeri," katanya di Seksyen U10, Shah Alam pada 4 November.

Bantu 30 keluarga mangsa banjir

HULU LANGAT - Seramai 30 keluarga di Kampung Batu 3, Semenyih yang terjejas banjir pada Julai menerima bantuan RM7,500 daripada Menteri Besar Selangor (Pemerbadanan) atau MBI.

Ketua Tanggungjawab Sosial dan Komunikasi Korporat MBI Ahmad Azri Zainal Nor menjelaskan setiap keluarga menerima sumbangan wang tunai RM250.

"Saya difahamkan sebelum ini Ahli Parlimen Hulu Langat (Mohd Sany Hamzan) ada menyalur bantuan awal

dan hari ini (4 November) kita salurkan bantuan tambahan kepada mangsa terlibat.

"Diharap bantuan ini sedikit sebanyak membantu menampung keperluan mereka," katanya selepas majlis penyerahan bantuan.

Mohd Sany turut berterima kasih atas keprihatinan MBI yang cakna terhadap keperluan penduduk.

Penerima Sharaini Wani, 40, yang menetap di situ sejak 20 tahun lalu berkata sumbangan

itu akan digunakannya untuk membeli barang keperluan rumah yang rosak akibat banjir.

"Kejadian ini menyebabkan banyak barang rosak walaupun sudah diselamatkan, kita tidak jangka air naik secara tiba-tiba.

"Banjir memang kerap berlaku terutama jika hujan lebat. Terima kasih atas sumbangan ini sekurang-kurangnya dapat juga menampung keperluan kami," katanya.



Ibu bekerja gembira

Insentif tampung belanja anak

Oleh **NAS NORZIELA NASBAH**

SHAH ALAM - Insentif MamaKerja RM1,000 kepada wanita bekerja yang ada anak kecil memberi kelegaan kepada golongan itu yang terkesan dengan peningkatan kos sara hidup.



Pembantu akaun Izzati Alia Mohd Ashar, 35, berkata bantuan sekali bayar itu akan digunakan untuk menampung perbelanjaan anak-anaknya.

"Saya baru sahaja melahirkan zuriat ketiga dua bulan lalu dan akan bekerja semula pada pertengahan November ini.

"Jika ada rezeki dengan permohonan ini, sudah pasti saya akan manfaatnya dengan perbelanjaan anak-anak yang semakin membesar termasuklah menyimpan lebihan untuk kegunaan kecemasan," katanya pada 1 November.

Pekerja swasta Nurulfarahshah Jamil, 35, pula berkata beliau menge-

tahu mengenai insentif itu melalui rakan-rakan selain membacanya di portal Selangorkini.

"Saya mempunyai tiga orang anak berusia empat hingga sembilan tahun.

Perbelanjaan anak-anak bersekolah dan seorang anak masih tidak bersekolah juga tinggi ketika ini.

"Saya bersyukur Kerajaan Negeri prihatin dengan golongan wanita bekerja dan sudah pasti wang tunai yang diterima bukanlah untuk dibelanjakan sewenang-wenangnya sebaliknya digunakan sebaik-baiknya untuk masa hadapan," katanya.

Pada 26 Oktober, Anfaal mengumumkan insentif untuk wanita bekerja yang merupakan antara manifesto Kerajaan Negeri ditawarkan kepada rakyat ketika pilihan raya negeri pada Ogos.

Beliau berkata pelaksanaan tersebut juga bertujuan menyokong



penglibatan wanita dalam tenaga buruh selaras matlamat Rancangan Selangor Pertama (RS-1).

Katanya, pelan lima tahun itu menggariskan kepentingan sektor penjagaan dan penyediaan pusat asuhan berkualiti termasuk taska, tadika dan transit sebagai sistem sokongan wanita bagi wanita bekerja.

"Wujudnya pusat penjagaan berkualiti menjamin keselamatan dan pembangunan kanak-kanak, malah ibu dapat bekerja dengan lebih tenang seterusnya meningkatkan produktiviti," katanya

Melibatkan peruntukan RM5 juta, skim layak dimohon wanita bekerja memiliki tiga anak berusia bawah 12 tahun dengan pendapatan isi rumah tidak lebih RM8,000 dan bantuan diterima selepas 14 hari permohonan.

Insentif tersebut boleh dimohon melalui mamakerja.selangkah.my/ atau boleh diajukan pertanyaan di talian Selcare 1-800-22-6600.

MBI simpan stok keperluan asas

HULU LANGAT - Menteri Besar Selangor (Pemerbadanan) atau MBI membuat persediaan rapi dari segi bekalan keperluan asas bagi menghadapi kemungkinan banjir ketika musim tengkujuh.

Ketua Tanggungjawab Sosial dan Komunikasi Korporatnya Ahmad Azri Zainal Nor berkata keperluan seperti kit kebersihan, makanan

retort dan tilam dikumpul di stor simpanan agensi itu.

"Persediaan kali ini diperkasa dengan pelbagai agensi termasuk pengurusan bencana negeri dan persekutuan seperti Agensi Pengurusan Bencana Negara dan Jabatan Kebajikan Masyarakat.

"Jika perlu apa-apa bantuan tambahan daripada MBI, kita seniasa bersedia," katanya selepas meny-

rahkan bantuan kepada 30 mangsa bah di Kampung Batu 3, Semenyih di sini pada 4 November.

Beliau menambah kira-kira RM700,000 daripada RM1 juta peruntukan dibelanjakan MBI bagi membantu mangsa bencana di Selangor setakat ini.

MBI turut berbelanja untuk sektor pendidikan, tuisyen percuma, program komuniti, masjid, surau, insentif kepada jemaah haji dan sumbangan bakul makanan kepada golongan memerlukan.



pancawarna



Kontroversi istilah 'dari sungai ke laut'
16

Lindungi 6 juta rakyat

Oleh ABDUL RAHIM SABRI

Semakin ramai rakyat mendapat manfaat program Insurans Am Selangor (INSAN). Diperkenal Oktober tahun lepas, polisi insurans berkelompok itu melindungi enam juta orang, setakat 30 September.

Mana-mana rakyat Selangor berusia seawal 30 hari hingga 80 tahun yang berdaftar dengan INSAN, boleh mendapat pampasan sekiranya hilang upaya kekal atau kematian akibat kemalangan.

Turut ditawarkan INSAN Takaful untuk tiga juta rakyat negeri beragama Islam. Pendaftaran selama setahun dibuka sejak 4 Ogos.

Menerusi peruntukan RM9 juta daripada Kerajaan Selangor, Skim INSAN Takaful menawar perlindungan antara RM10,000 sehingga RM20,000 bagi kes kematian atau kes hilang upaya kekal akibat kemalangan.

Tambahan RM1,000 untuk perbelanjaan pengebumian bagi kes kematian serta tambahan faedah RM50 sehari sehingga 30 hari untuk kemasukan wad.

INSAN memaklumkan pemegang sijil insurans sedia ada akan ditukarkan ke perlindungan takaful secara automatik setelah tamat tempoh perlindungan di bawah pelan konvensional.

Sejak diluncur, Kerajaan Negeri menyelesaikan 62 kes melibatkan nilai tuntutan RM680,000 daripada RM12 juta yang diperuntuk Skim INSAN Konvensional.

Pada 3 Oktober, Ketua Pegawai Operasi Menteri Besar Selangor (Pemerbadanan) atau MBI Saipolyazan M Yusop berkata pihaknya menerima 129 tuntutan sejak Januari.

Namun, ada beberapa permohonan masih diproses disebabkan ketidaaan lesen memandu, cukai jalan dan beberapa dokumen lain yang memerlukan penelitian lanjut.

Dato' Menteri Besar Dato' Seri Amirudin Shari atau wakil MBI ada menyerahkan sendiri pampasan RM11,000, termasuk RM1,000 untuk khairat kematian kepada beberapa waris pemegang polisi.

Rata-ratanya ialah pemegang kad pengenalan, pemastautin atau pengundi berdaftar



Selangor yang terkorban akibat kemalangan di beberapa lokasi dalam negeri ini.

Pada 4 Ogos, Amirudin menyerahkan pampasan RM11,000 kepada Ana Maria Salihuddin, 36, yang ibu dan bapanya maut akibat kemalangan di Sungai Leman, Sungai Besar pada Mac.

Penyerahan dibuat dalam majlis pelancaran INSAN Takaful ketika perasmian Tekad Insani #KitaSelangor di Pusat Konvensyen Bangi, Kajang.

Jumlah sama turut diberi kepada ibu kepada pelajar Universiti Teknologi Mara (UiTM) Puncak Perdana Eeliani Noordin. Anaknya, Muhammad Hassif

Yaacob maut akibat kemalangan motosikal pada 9 Ogos.

Siswa 21 tahun itu maut di tempat kejadian apabila motosikal ditunggangnya melanggar kenderaan pelbagai guna kira-kira jam 5.50 petang pada hari kejadian. Saipolyazan menyerahkan pampasan di kediaman wanita itu di Batu Arang, Gombak.

Pampasan untuk fidyah

Sementara itu, waris kepada lelaki orang kelainan upaya (OKU) yang maut akibat kemalangan di Parit 4, Sekinchan akhir Mei lalu menerima pampasan RM11,000.

Suzana Sueb, 42, berkata dia mahu membayar fidyah puasa dan melangsangkan hutang arwah hasil persetujuan bersama ibu serta adik beradik lain.

Waris enam mangsa yang terkorban dalam tanah runtuh di tapak perkhemahan dekat Batang Kali, Hulu Selangor pada 16 Disember 2022 juga bakal menerima pampasan INSAN. Mereka hanya perlu menunggu proses dokumentasi diselesaikan.

Syarikat AmGeneral Insurance Berhad yang menyedia skim itu membayar terus kepada pihak dilindungi polisi atau warisnya. Bagi INSAN Takaful, perlindungan disediakan Takaful Ikhlas General Berhad.

MBI hanya sebagai agensi pelaksana manakala pengendali perkhidmatan Wavepay Fintech Holding Sdn Bhd (Wavepay) yang mendapat kelulusan Bank Negara, tidak terlibat dalam sebarang pembayaran tuntutan.

Laporan dibantu Norrasyidah Arshad, Siti Rohaizah Zainal dan Zareef Muzammil

Insurans untuk semua

1. Apakah Skim Insurans Am Selangor (INSAN)?

Inisiatif Kerajaan Negeri sejak 1 Oktober 2022 untuk beri perlindungan insurans kemalangan diri berkumpulan secara percuma kepada enam juta rakyat berumur 30 hari hingga 80 tahun.

2. Apakah insurans kemalangan diri berkumpulan?

Pelan insurans am secara berkelompok untuk lindungi kehilangan upaya kekal atau kematian akibat nahas.

3. Siapakah yang layak menerima perlindungan INSAN?

Pemegang kad pengenalan kod negeri Selangor, beralamat di negeri ini atau pengundi berdaftar di sini layak terima perlindungan tersebut.

4. Bagaimana membuat permohonan?

Muat turun aplikasi e-Wallet Wavpay atau daftar di Pejabat Ahli Dewan Negeri Selangor.

5. Bilakah tarikh akhir pendaftaran?

Tarikh akhir untuk skim konvensional pada 30 September 2023, manakala tarikh akhir bagi INSAN takaful pada 3 Ogos 2024.

6. Adakah pelaksanaan INSAN melanggar Akta Perlindungan Data Peribadi 2010?

Pendaftaran tidak melanggar Akta Perlindungan Data Peribadi 2010 kerana Seksyen 3(1) akta tersebut tidak terpakai ke atas Kerajaan Persekutuan atau Kerajaan Negeri.

7. Apakah yang dimaksudkan kaedah prapendaftaran?

Kaedah padanan maklumat kad pengenalan dengan data Suruhanjaya Pilihan Raya. Bagi pelajar 7 tahun hingga 19 tahun dan kanak-kanak (30 hari hingga 6 tahun setakat Mei), pengesahan dibuat Pejabat DUN atau aplikasi Wavpay.



PELAKSANAAN

Skim Insurans Am Selangor (INSAN) bertujuan menyediakan perlindungan kepada penduduk negeri ini yang mengalami kecederaan atau kematian akibat kemalangan.

Selangor satu-satunya negeri yang menawarkan skim percuma itu. INSAN adalah satu daripada lebih 40 inisiatif dalam Iltizam Selangor Penyayang yang memberi manfaat kepada rakyat negeri ini.

Berikut ringkasan maklumat skim tersebut



10. Apakah bentuk perlindungan dalam INSAN?

Untuk kematian atau hilang upaya kekal:

- Skim konvensional – perlindungan RM10,000
- Skim takaful – perlindungan RM10,000 hingga RM20,000

Tambahan RM1,000 untuk kos pengebumian skim tafakul dan konvensional.

Skim takaful turut sediakan RM50 sehari selama sebulan bagi rawatan di wad.

11. Apakah beza antara INSAN konvensional atau takaful?

Skim INSAN Takaful disediakan oleh Takaful Ikhlas General Berhad, manakala skim konvensional disediakan AmGeneral Insurance Berhad.

12. Apakah yang dimaksudkan dengan liputan perlindungan



(blanket coverage)?

Semasa membuat tuntutan, penuntut atau waris pemegang polisi mesti penuhi satu daripada tiga kriteria: kad pengenalan berkod Selangor atau beralamat di Selangor atau pengundi di Selangor.

13. Apakah yang dimaksudkan dengan pemegang polisi induk?

Pemegang polisi induk ialah Wavpay Fintech Holding Sdn Bhd. Syarikat itu mengeluarkan sijil perlindungan untuk pemegang polisi. Jika hilang, pemegang polisi boleh salinan daripada syarikat ini.

14. Apakah prosedur membuat tuntutan INSAN?

Pemegang polisi perlu melengkapkan beberapa dokumen dan borang di laman sesawang www.programinsan.com/tuntutan

15. Apakah peranan Wavpay, AmGeneral Insurance Bhd dan Takaful Ikhlas General Bhd dalam INSAN?

Wavpay bukan penyedia insurans/takaful tetapi pengendali perkhidmatan yang bertanggungjawab mengakses polisi yang ditawarkan AmGeneral Insurance Bhd dan Takaful Ikhlas General Bhd.

16. Mengapakah Wavpay dipilih sebagai pengendali perkhidmatan?

Wavpay adalah syarikat e-dompet yang diluluskan Bank Negara Malaysia dan dipersetujui Majlis Mesyuarat Kerajaan Negeri untuk mengalih sistem urusan dengan rakyat kepada nirtunai (cashless). Syarikat itu milik bersama Kerajaan Negeri.

17. Berapakah jumlah peruntukan Kerajaan Negeri untuk INSAN?

INSAN antara program dalam Iltizam Selangor Penyayang. Sebanyak RM12 juta diperuntuk Kerajaan Selangor bagi INSAN konvensional, manakala RM9 juta untuk perlindungan skim takaful.



Sungai bersih, indah

Oleh FARIDZWAN ABDUL GHAFAR

Dikategorikan sebagai sungai tercemar, Sungai Klang kini berwajah baharu hasil usaha pemuliharaan termasuk mengindah dan membangunkan tanah di sepanjang laluannya.

Menerusi projek Gerbang Maritim Selangor (SMG), usaha menaik taraf sungai sepanjang 56 kilometer sejak 2018 itu membawa hasil.

SMG dijayakan oleh Landasan Lumayan Sdn Bhd (LLSB), anak syarikat Menteri Besar Selangor (Pemerbadanan) atau MBI.

Usaha memuliharkan Sungai Klang melayakkan syarikat milik penuh Kerajaan Negeri berkenaan meraih pengiktirafan Green World Awards 2023.

Ia diperoleh susulan pelbagai kejayaan antaranya memuliharkan kualiti air daripada kelas empat kepada kelas dua.

Pada musim tengkujuh, kualiti air sungai meningkat menjadi kelas satu. Ini sekali gus mengurangkan masalah bau yang sekian lama membelenggu penduduk berhampiran sungai.

Keputusan itu berdasarkan empat stesen pemantauan kualiti air di sungai berkenaan.


Sebanyak tujuh perangkap sampah (log boom) dipasang di Sungai Klang. LLSB juga menggunakan dua mesin kaut sampah Interceptor.

Pada 2022, kutipan sampah sebanyak 63 peratus, melepas sasaran awal 40 peratus. Setakat Oktober, 88,000 tan metrik sampah dikutip.

SMG turut menjalankan kerja mendalam dan melebarkan Sungai Klang melalui projek tebatan banjir bernilai RM700 juta tanpa melibatkan suntikan tunai Kerajaan Negeri.

Kerja pendalam dan pelebaran sungai secara berperingkat untuk tempoh lima tahun bertujuan mengelak banjir besar pada Disember 2021 berulang selain menangani pencemaran.

Dimulakan 1 November tahun lepas, pendalam sungai bermula di Bukit Lanchong sehingga ke Taman Sri Muda, Shah Alam dan



Sumber Laporan Rancangan Selangor Pertama 2021 - 2025

muara sungai dengan anggaran kos RM249 juta.

Ia dibiayai melalui tanggungan premium tanah yang bakal dibangunkan berjumlah RM117 juta, tanggungan hutang RM54 juta dan selebihnya penerokaan pembiayaan oleh MBI.

Nilai ekonomi

Semua inisiatif berkenaan sebahagian projek pembangunan dalam pelan lima tahun Rancangan Selangor Pertama (RS-1) hingga 2025.

Dikenali Zon Pembangunan Ekonomi SMG (ZPE SMG), ia bakal menjadi koridor pelaburan pertama di Malaysia yang mengiktiraf sungai sebagai penjana ekonomi.

ZPE SMG juga mempercepat pertumbuhan ekonomi di Selangor dengan memanfaatkan laluan air yang juga lokasi dua pelabuhan utama – Westports dan Northport.

Zon baharu ini meliputi lebih 27,900 hektar

tanah dari Mid Valley di Kuala Lumpur hingga ke muara sungai dan pulau-pulau berdekatan Pelabuhan Klang.

Dua zon pembangunan utama dikenal pasti dalam ZPE SMG bermula dari Hulu ke hilir sungai dan termasuk pulau-pulau di sekitarnya.

Zon berkenaan (A) ialah Zon Pembangunan Ekonomi meliputi kawasan kira-kira 22,780 hektar yang diiktiraf dalam Rancangan Tempatan Majlis Perbandaran Klang 2035.

Zon kedua (B) pula Zon Pembangunan Ekonomi merangkumi tiga pihak berkuasa tempatan iaitu Majlis Bandaraya Shah Alam, Majlis Bandaraya Subang Jaya dan Majlis Bandaraya Petaling Jaya dengan keluasan lebih kurang 5,180 hektar. Anggaran jumlah pelaburan RM2.2 bilion.

Selain Zon Pembangunan Ekonomi SMG, dua lagi kawasan dimajukan Wilayah Pembangunan Bersepadu di Selangor Selatan (IDRISS) dan Kawasan Pembangunan Sabak Bernam (SABDA).



Dua ahli Jananeswary Group membuat persembahan menggunakan alat muzik tradisi iaitu madhaswaram dan mathalam



Dato' Menteri Besar menyampaikan cek cura untuk yuran kemasukan IPTA bagi pelajar India dari keluarga memerlukan seluruh Selangor



Pengunjung melihat pameran hiasan kolam Deepavali yang dipamerkan di pusat beli-belah Central i-City, Shah Alam



Amirudin menyampaikan cek cura berjumlah lebih setengah juta ringgit bagi bantuan kuil fasa empat kepada 53 kuil pada tahun ini



Kumpulan Sri Ranganathar membuat persembahan, termasuk gaya tarian klasik dari Tamil Nadu yang dikenali bharatanatyam



Dato' Menteri Besar menyampaikan sumbangan yuran kemasukan IPTA kepada seorang pelajar komuniti India



Dengan rasa teruja, orang ramai memilih alas meja ketika membeli barang di kawasan Little India, Klang



SAMBUTAN Deepavali peringkat negeri pada tahun ini berlangsung meriah dengan hadirnya hampir 5,000 pengunjung di Dataran Klang @ Padang Chetty, Klang pada 4 November.

Dalam program yang dirasmikan Dato' Menteri Besar Dato' Seri Amirudin Sharif, pelbagai persembahan termasuk tarian dan alunan muzik tradisi India diadakan.

Hadir sama, EXCO Pembasian Kemiskinan V Papparaidu, EXCO Perpaduan Datuk Rizam Ismail, EXCO Pembudayaan Inovasi Dr Mohammad Fahmi Ngah, EXCO Kesihatan Awam Jamaliah Jamaluddin dan Penasihat Undang-Undang Negeri Dato' Salim Soib @ Hamid.

Amirudin juga menyampaikan sumbangan yuran kemasukan ke institusi pengajian tinggi awam (IPTA) RM590,016.75 kepada pelajar India kurang berkemampuan selain bantuan untuk kuil (RM515,000).

Kebanyakan masyarakat India berkunjung ke Little India, Klang bagi membuat persiapan termasuk membeli barang dan pakaian baharu untuk menyambut perayaan itu pada 12 November.

Jurufoto HAFIZ OTHMAN merakam sebahagian keriahan sambutan tersebut dan gelagat masyarakat membeli-belah di Little India pada 2 November. Keterangan gambar oleh HAFIZAN TAIB.



Sebahagian pengunjung bergembira menikmati jamuan sambil beramah mesra dalam majlis sambutan di Klang



Theresa Xavier Thomas (kiri) bersama kakaknya Serena memilih kalungan bunga malai untuk persiapan menjelang Deepavali



Jeeva Kumar (dua, kiri) bersama isterinya memilih pakaian dan sari di Klang untuk menyambut Deepavali



Pengunjung membeli barang masakan dan rempah-ratus bagi persiapan awal menjelang Deepavali



T. Shanmugam (kiri) dan isteri Gevitha Ananda melayan anak mereka membeli pakaian di sebuah kedai di Little India



Pengunjung membeli barang perhiasan diri di Little India sebagai pelengkap pakaian sempena Deepavali



Bekas minuman dan makanan keluli antara alatan pilihan masyarakat India sebagai persiapan menyambut tetamu

Asrama percuma

Oleh NADIAH ZAMLUS
Foto REMY ARIFIN

Dulu, sekolah Tamil di Seksyen 7, Shah Alam sangat daif. Terdiri daripada dua rumah papan, Sekolah Jenis Kebangsaan Tamil (SJKT) Ladang Midland yang wujud sejak 1908 tidak diendah.

Namun, Kerajaan Selangor, setahun selepas perubahan tampuk pentadbiran pada 2008, menyerahkan empat ekar tanah kepada pengurusan sekolah itu. Bangunan dimodenkan, lengkap pelbagai prasarana.

Pada 2018 pula, Dato' Menteri Besar Dato' Seri Amirudin Shari menghulur dana RM4 juta bagi menyediakan kemudahan asrama selaras hasrat untuk menjadikannya sebagai sekolah contoh.

Menurut Pengurus Lembaga Pengelolanya Uthaya Soorian, penempatan itu membantu murid daripada keluarga berpendapatan rendah menginap di situ seterusnya mengelak isu keciciran pendidikan.

Beliau giat bekerjasama dengan Majlis Guru-Guru Besar Sekolah Tamil Selangor bagi mencari murid kurang berkemampuan untuk ditempatkan ke asrama yang ditanggung sepenuhnya itu.

“Mereka ini susah pergi sekolah sekali gus berisiko terlibat dalam gejala gengsterisme. Jadi, kami bawa mereka ke asrama,” katanya kepada Selangorkini pada 3 November sempena sambutan Deepavali.

Di asrama tersebut, para murid yang diberi penginapan dan makanan percuma sentiasa dipantau sepenuhnya. Warden juga ditempatkan bagi mengawal tingkah laku mereka.

Di situ, kelas tambahan disediakan bagi memperbaiki mutu pelajaran mereka. Mereka diharapkan berupaya meningkatkan taraf kehidupan seterusnya berpeluang keluar dari belenggu kemiskinan melalui pendidikan.

Asrama bersih

Tinjauan mendapati persekitaran asrama senantiasa bersih. Mampu memuatkan 200 murid, tingkat satu dilengkapi dobi. Warden turut ringan tulang membantu



murid darjah empat dan lima mencuci dan menyidai pakaian.

Sebenarnya, pengurusan sekolah menerima lebih 100 permohonan tetapi hanya 15 murid diterima masuk sejak bulan lalu ke bangunan yang siap sepenuhnya pada 2020 tetapi tidak beroperasi akibat wabak Covid-19.

Selain itu, kemasukan ke asrama itu pula dibuat secara berperingkat

supaya murid mudah dipantau secara rapi sekali gus matlamat melahirkan pelajar cemerlang bukan sekadar impian kosong.

“Ada juga keluarga kaya hendak hantar anak mereka masuk asrama ini. Memang tidak boleh. Kami terima murid yang (dari kalangan keluarga) susah sahaja,” kata Uthaya.

Beliau juga berterima kasih kepada Kerajaan Selangor yang prihatin terhadap pengurusan sekolah tersebut. Tahun ini, sebanyak RM300,000 diberi bagi membantu pengurusan asrama. Selain SJKT Ladang Midland, pentadbiran



Amirudin juga menyediakan dana RM6 juta kepada SJKT seluruh negeri bagi membaik pulih kemudahan sekali gus membantu mutu pendidikan kaum India.

“Kerajaan Negeri tidak mahu ada generasi muda tertinggal dalam pembangunan negara walaupun terdapat kriteria kaum dalam beberapa aspek seperti faktor ekonomi dan strata sosial.

“Pendidikan adalah medium utama untuk mengubah nasib serta menentukan hala tuju masyarakat pada masa hadapan.

“Setiap kelompok berdepan isu tertentu. Saya berharap isu yang melingkari masyarakat India dapat ditangani melalui pendidikan,” kata Amirudin pada 9 Oktober 2019.

Ketua pengarang:
Fazallah Pit
fazallah@mediaselangor.com

Pengarang berita:
Afeeqa Aeera Abdul Rasol
afeeqa@mediaselangor.com

Penolong pengarang akbar:
Afix Redzuan
Faridzwan Abdul Ghafar

Pemangku ketua wartawan:
Nadiah Zamlus
sitinadiah@mediaselangor.com

Jurufoto kanan:
Hafiz Othman

Ketua artis grafik:
Azwa Malek

Editorial: info@mediaselangor.com
Iklan: sales@mediaselangor.com
Pemasaran: marketing@mediaselangor.com

SelangorTV:
Marniza Othman
marniza@mediaselangor.com
Ameen Azizul
ameen@mediaselangor.com

Pemasaran dan Pengiklanan:
Suziana Zulkifli
suziana@mediaselangor.com

Pengedaran:
Adzhar Maludin
adzhamaludin@mediaselangor.com

Rahsia hidup harmoni

Oleh ABDUL RAHIM SABRI

Foto FIKRI YUSOF

Kala beberapa kawasan tertentu berdepan konflik kerana perbezaan seperti Palestin dan Ukraine, lain pula kisah penduduk Bukit Rotan, Kuala Selangor yang hidup harmoni tanpa sengketa walau berlainan kaum dan agama.

Rumah ibadat – masjid, gereja, kuil dan tokong dibina berdekatan, tanda toleransi agama tinggi dalam kalangan anggota masyarakat kawasan itu.

Dipisahkan pagar, jarak Masjid al-Nuriah dan Kuil Sri Shakthi Dhevasthanam hanya 50 meter. Di tengahnya ada pejabat pos berusia 100 tahun yang masih beroperasi.

Di sebelah kanan masjid terletak Gereja Methodist Tamil dibina pada 1922, seusia dengan rumah ibadat Islam itu yang didirikan ahli kariah Bukit Rotan. Kedudukan dua rumah ibadat itu pula hanya dipisahkan jalan kecil.

Sementara di depan masjid, ada tokong Cina persendirian. Keempat-empat rumah ibadat itu dibina atas kawasan seluas 200 meter di tepi jalan utama antara Sabak Bernam dan Kuala Selangor.

Kuil Hindu itu yang dibina kira-kira 110 tahun lalu, telah dinaik taraf dan diperbesarkan pada awal 2000 atas tanah seluas satu ekar sebelum dibenar beroperasi semula pada 2013.

Di Bukit Rotan, keakraban orang Melayu dan India terakam dalam satu kisah kehilangan seekor lembu untuk ibadah korban di Masjid al-Nuriah. Peristiwa menjelang Hari Raya Aidiladha tujuh tahun lalu itu ada dilaporkan portal berita.

Haiwan itu terlepas daripada tambatan dan memasuki ke kawasan kuil.

Walau agama Hindu menganggap ia haiwan suci, namun lembu itu ditemui seorang sami yang kemudian menyerah dan mengikatnya sendiri di masjid.

Sambil ketawa kecil, Pengerusi Kuil Sri Shakti Shivasri AP Muthukumara Shivachariyar mengesahkan insiden itu seperti yang pernah dilaporkan media.

"Itu (kisah) duludulu. Betul, betul. Lembu itu diikat di sana (di masjid), sudah hilang terlepas. Pada masa itu, presiden kuil (adalah)



Subramaniam.

"Ketika itu ada budak-budak cakap, lembu ada sana (tunjuk dalam kawasan kuil). Dia (Subramaniam) suruh (mereka) tangkap (dan) serah kepada dia. Betul... dia serah pada mereka (masjid)," kata Shivasri kepada Selangorkini pada 30 Oktober sempena perayaan Deepavali.

Sebelum ini, media melaporkan nazir masjid Kassim Alias berkata seorang sami Hindu membantu ahli kariah masjid mencari seekor lembu yang terlepas menjelang sambutan Aidiladha.

"Sami itu tarik semula dan ikat di masjid. Betapa hormatnya beliau supaya kami dapat menjalankan ibadah korban," katanya seperti dilapor FMT pada 22 April.

Sikap muafakat

Pihak masjid, gereja, kuil dan tokong di Bukit Rotan menterjemah keharmonian dengan sikap muafakat, hormat-menghormati dan bertolak ansur.

Walau berbeza kepercayaan, paderi gereja Jared Thamilcelvan

berkata mereka tidak terikut-ikut dengan sentimen perkauman dan keagamaan yang dimainkan segelintir pihak.

Jared mengakui pihak masjid dan kuil mudah diajak berbincang dan sering menghulurkan bantuan antaranya barang keperluan, makanan dan sumber kewangan, kepada orang ramai tanpa mengira pegangan agama.

"Kami tetapkekalkan keharmonian yang diwarisi golongan dahulu dan saling bantu membantu jika ada masalah," katanya kepada Selangorkini pada 20 Disember 2022.

Sementara itu, Shivasri, 76, berkongsi rahsia keharmonian masyarakat di situ ialah saling memahami dan tidak menunjukkan rasa tidak suka atau marah antara satu dengan yang lain.


"Semua bangsa di sini, semuanya membesar bersama-sama. Sejak daripada kecil mereka berkawan baik. Jiran saya ada orang Cina, ada muslim. Kampung ayah saya dekat sini."

"Jiran sebelah rumah ada Cina dan India. Mereka ini hidup bersama-sama. Jadi sejak kecil lagi, kami saling memahami satu sama lain," katanya.

Selain itu, pihak kuil juga tidak kekok memenuhi undangan majlis atau keraian daripada pihak masjid, gereja atau tokong Cina.

Shivasri berkata pihaknya juga tidak pernah menerima rungutan mengenai upacara keagamaan yang dijalankan.

Malah, pada masa sama mereka menghormati amalan agama Islam, Kristian dan Buddha.



Debat 'sungai ke laut'

Oleh FATHI ARIS OMAR

Pada 30 Oktober, seorang ahli parlimen Parti Buruh digantung atas dakwaan mengeluarkan kenyataan berunsur anti-Israel: "dari sungai ke laut".

Andy McDonald menyebut ungkapan tersebut dalam demonstrasi pro-Palestin dua hari ini sebelumnya, kira-kira tiga minggu selepas Harakat Muqawamah Islam (Hamas) melancarkan serangan.

Wakil rakyat United Kingdom itu bagaimanapun menafikan tuduhan bersikap anti-Yahudi (antisemitic).

Kenapa istilah ini dianggap kontroversi di beberapa negara Barat?

Kenyataan lengkapnya: "Kita tidak akan berhenti sehingga dapat keadilan. Hingga semua orang, rakyat Israel dan juga Palestin, antara sungai ke laut, boleh hidup bebas dan aman."

Bukan beliau sahaja berdepan masalah ini. Ungkapan "dari sungai ke laut", atau from the river to the sea, dianggap slogan untuk menghapuskan negara Israel. Banyak pihak yang pronegara itu menganggapnya tidak sesuai.

"Dari sungai ke laut" sering diletakkan di sepanduk pro-Palestin dan dilaungkan dalam demonstrasi. Foto (kanan) menunjukkan anak muda berarak di Chicago, Amerika Syarikat pada 8 Oktober, pada hari serangan balas Israel di Gaza.

Persatuan bola sepak di United Kingdom juga melarang pemain menaikkan slogan ini di media sosial masing-masing. Hamza Choudhury, pemain Leicester, terpaksa memadam ungkapan tersebut.

Lebih awal lagi, polis Austria mengharamkan slogan ini dalam tunjuk perasaan pada 11 Oktober tetapi dilaporkan menarik semula larangan tersebut seminggu kemudian.

"Menurut undang-undang sekarang, ayat 'dari sungai ke laut, Palestin pasti merdeka' bukanlah ungkapan kebencian," kata polis pada 17 Oktober.

Slogan ini merujuk sungai Jordan yang terletak sempadan timur wilayah asal Palestin, dari utara tasik Tabaria hingga Laut Mati, hingga Laut Tengah (Mediterranean) di sebelah barat, kawasan yang kini dikuasai Israel.

Kebebasan bersuara

Jerman lebih dahulu mengeluarkan larangan penggunaan slogan ini, malah sebelum konflik terbaru di Gaza yang mengorbankan, setakat 5 November, 10,022 orang Palestin termasuk 4,104 kanak-kanak dan 2,641 wanita.

Dalam tempoh 29 hari, menurut Al Jazeera, 25,408 lagi termasuk 6,360 kanak-kanak dan 4,891 wanita cedera di semenanjung itu sahaja. Sementara 1,405 terbunuh dan 5,600 cedera di Israel.

Namun di Belanda, pada 15 Ogos, sebuah mahkamah membuat penghakiman "dari sungai ke laut, Palestin pasti merdeka" sebagai kebebasan bersuara dan tidak melanggar undang-undang.

Keputusan itu dibuat susulan tindakan seorang aktivis Zionis terhadap Thomas Hofland, penggerak Jaringan Solidariti Tahanan Palestin (Samidoun), pada Jun 2021.

Satu demonstrasi kecil jaringan ini disuraikan



Foto Reuters

oleh polis Jerman dan enam aktivisnya ditangkap pada 2 Ogos dengan alasan mereka menggunakan slogan pro-Palestin tersebut.

Rashida Tlaib, peguam dan ahli kongres Demokrat dari Michigan, juga dikecam kerana mempertahankan slogan itu dalam bantahannya di X (dahulu Twitter) terhadap Presiden Amerika Syarikat Joe Biden yang menyokong Israel.

"Dari sungai ke laut seruan yang membawa maksud kebebasan, hak asasi dan kehidupan bersama (Yahudi), bukannya kematian, kemusnahan atau kebencian," kata wanita berdarah Palestin itu pada 4 Ogos.

Bersama kenyataannya, Rashida menaikkan video ringkas siri demonstrasi di negara tersebut, antaranya, memuatkan laungan "dari sungai ke laut" dan "bebas, bebas, bebas Palestine".

Walau slogan tersebut sudah lama, dan kontroversi yang dicetuskan kumpulan pro-Israel bermula sebelum ini lagi, tetapi konflik kali ini membuka lebih luas perdebatan isu berkenaan.

Namun, asal-usul slogan ini sukar dijelas dengan tepat. Portal televisyen Al Jazeera menyebut ia digerakkan sejak Pertubuhan Pembebasan Palestin (PLO) menolak bulat-bulat negara Israel pada 1960-an.

Ketuanan Yahudi

Middle East Eye pula menyebut slogan tradisi pejuang Palestin sudah bermula sejak 1940-an lagi, menjelang dan selepas Israel mengisytihar kemerdekaan pada 14 Mei 1948 yang digelar Nakbah, atau malapetaka besar, dalam kalangan orang Arab.

Ketika menjawab Rashida, seorang penyokong Israel dari Australia menuduh ahli politik itu berbohong. Beliau menyebut ungkapan lain yang dikatakan sejarah awal slogan ini dengan maksud penghapusan Yahudi.

"Laungan 'dari sungai ke laut' terjemahan slogan asal 'dari air ke air, Palestin kekal Arab'," kata Mohammad Tawhidi yang menggelar dirinya "pemimpin perdamaian".

Namun, pandangan Tawhidi ini sukar

disahkan. Carian di Google tidak menunjukkan banyak bahan bertulis dalam bahasa Inggeris tentang dakwaannya itu.

Bercakap kepada Al Jazeera, seorang pensyarah undang-undang Pusat Kajian Timur dan Afrika (SOAS), London menafikan slogan tersebut bermaksud menyingkirkan orang Yahudi.

Nimer Sultany menjelaskan ungkapan dari sungai ke laut menekankan pentingnya kesetaraan dalam kalangan semua warga wilayah asal Palestin, yang kini terbelah tiga sebagai Tebing Barat, Israel dan Gaza.

Namun, tambahnya, "mereka yang menyokong apartheid (dasar pemisahan kaum) dan ketuanan Yahudi pasti mendapati laungan sama rata (Palestin) itu tidak sesuai."

"Perlu diingatkan laungan ini (from the river to the sea) dalam bahasa Inggeris dan ia tidak berirama dengan bahasa Arab, ia digunakan ketika tunjuk perasaan di negara Barat," kata Nimer lagi.

"Kontroversi ini sengaja direka-reka bagi menyekat solidariti orang di Barat dengan warga Palestin."

David McDonald, ketua Jabatan Cerita Rakyat dan Kajian Muzik Etnik di Universiti Indiana, Amerika Syarikat menjelaskan slogan ini cukup popular, dimasukkan dalam lirik lagu dan puisi.

Cukup lama menyelidik muzik dan sastera Palestin, profesor madya itu menambah "dalam kalangan aktivis Palestin — dan tempoh 20 tahun saya bekerja dengan mereka — ungkapan ini tidak pernah bermaksud memusnahkan Israel."

Namun, bukan orang pro-Palestin sahaja melaungkannya. Pada 1977, parti Likud yang dianggotai Perdana Menteri Benjamin Netanyahu pernah menegaskan pendirian yang sama.

Manifesto asal parti aliran kanan ini, yang diasaskan pada 1973 oleh tokoh militan Zionis Menachem Begin, menyatakan "di antara laut (Mediterranean) hingga (sempadan) Jordan terletaknya kedaulatan Israel."



CERIA... Perdana Menteri Datuk Seri Anwar Ibrahim bersama murid Sekolah Kebangsaan Bandar Baru Bangi dalam majlis penyerahan dan perasmian Projek Rintis Bangunan Daif di Hulu Langat pada 7 November. Turut hadir Dato' Menteri Besar Dato' Seri Amirudin Shari (kiri, bawah) dan Ahli Parlimen Bangi Syahredzan Johan (kiri). Foto BERNAMA

Tolak sekatan terhadap negara sokong Hamas

Malaysia iktiraf ketetapan PBB

SHAH ALAM - Keputusan mana-mana negara termasuk Amerika Syarikat yang mengenakan sekatan secara unilateral terhadap individu, agensi atau negara yang menyokong Hamas tidak diiktiraf.

Perdana Menteri Datuk Seri Anwar Ibrahim menegaskan Malaysia hanya mengiktiraf keputusan yang dibuat Pertubuhan Bangsa-Bangsa Bersatu (PBB) yang bersifat multilateral, lapor Bernama.

"Pertamanya, kita tidak bersetuju dengan cara yang dibuat Amerika Syarikat dan keduanya, ia tidak mempengaruhi dasar dan keputusan kita," kata beliau di Dewan Rakyat pada 7

November.

Ahli parlimen Tambun itu menjawab soalan Wan Ahmad Fayhsal Wan Ahmad Kamal (Perikatan Nasional-Machang) yang ingin tahu pendirian kerajaan dalam isu berkenaan.

Baru-baru ini, Dewan Perwakilan Amerika Syarikat meluluskan Rang Undang-Undang Pencegahan Pembentukan Antarabangsa Hamas untuk mengenakan sekatan terhadap pihak yang menyokong Hamas.

Anwar juga menambah beliau menghubungi beberapa negara sahabat dan negara Islam yang turut memberi pandangan sama dengan Malaysia untuk

tidak mengiktiraf ketetapan berkenaan.

Beliau menjelaskan pendirian setiap negara Asean berkaitan isu perjuangan menyokong Palestin berbeza-beza tetapi semua negara berkenaan turus mengekal hubungan baik.

"Filipina lebih cenderung bersetuju dengan pendirian Amerika Syarikat (AS) walaupun tidak sekeras itu tetapi kita dalam hubungan dua hala masih baik dengan Filipina."

"Dalam soal Palestin ini, hanya Malaysia, Indonesia dan Brunei nampak betul-betul kuat sepakat," kata perdana menteri.

STR bantu noktahkan miskin tegar

SHAH ALAM - Pemberian Sumbangan Tunai Rahmah (STR) kepada rakyat termiskin di negara ini yang kadarnya ditingkat daripada RM3,100 kepada RM3,700 membantu menoktahkan kemiskinan tegar.

Perdana Menteri Datuk Seri Anwar Ibrahim berkata pemberian Sumbangan Asas Rahmah (SARA) yang daripada RM600 kepada RM1,200 untuk 700,000 penerima turut menyumbang ke arah matlamat sama.

"Sebab itu, saya yakin kalau rakyat

termiskin negara ini dapat RM3,700, ini dengan sendirinya akan memudahkan langkah-langkah untuk menoktahkan kemiskinan tegar.

"Penambahan dan bantuan langsung kepada keluarga ini bukan kepada yang paling miskin sahaja tetapi kepada sembilan juta kelas menengah," katanya di Dewan Rakyat pada 2 November.

Dalam pembentangan Belanjawan 2024, Anwar berkata peruntukan RM10 bilion disediakan kepada STR tahun de-

pan, meningkat RM2 bilion berbanding tahun ini.

Kadar maksimum STR meningkat daripada RM3,100 kepada RM3,700 untuk kategori keluarga manakala belia menerima RM500 berbanding RM350 yang bayaran pertamanya dibuat sebelum Ramadan.

Inisiatif SARA pula diperluas yang memberi manfaat kepada 700,000 penerima STR dengan nilai RM100 sebulan bagi tempoh 12 bulan.

Ajak negara luar sokong Palestin

SHAH ALAM - Malaysia tidak berhenti mempengaruhi negara lain supaya menyokong perjuangan Palestin dan mengutuk kekejaman rejim Zionis, kata Menteri Luar Datuk Seri Dr Zambray Abdul Kadir.

Beliau juga menjelaskan usaha sedemikian bukan sahaja dengan negara-negara Pertubuhan Kerjasama Islam bahkan Kumpulan 77 Negara dan Negara-Negara Berkecuali, lapor Bernama.

"Kita jangan putus asa kerana kita tahu antara tempat yang mempunyai kuasa mempengaruhi (adalah) seperti Amerika Syarikat, Kesatuan Eropah dan negara Amerika Latin.

"Satu per satu negara di Amerika Latin menyatakan pendirian menentang rejim Israel yang membuat penganiayaan berterusan terhadap rakyat di Gaza," katanya di Dewan Rakyat pada 1 November.

Murid 4,000 tabika hafaz al-Quran

SHAH ALAM - Sebanyak 4,000 kelas Taman Bimbingan Kanak-kanak (Tabika) Jabatan Kemajuan Masyarakat (Kemas) dijangka mengikuti program Tabika Pra Tahfiz Kemas pada tahun depan.

Ketua Pengarahnya Datuk Ahmad Kamal Idris Mohd Nawawi berkata pelaksanaan program hafazan dengan kerjasama bersama Yayasan Pahang bertujuan melahirkan penghafaz cilik, lapor Bernama.

Katanya, sebanyak 100 kelas terlibat dalam projek rintis manakala guru pula menerima latihan daripada Yayasan Pahang bagi menyemai kecintaan al-Quran dalam kalangan kanak-kanak.

"Kita mempunyai 10,840 kelas Tabika Kemas dan jangka pelaksanaan program ini akan diperluas kepada 4,000 kelas masing-masing pada 2024 dan 2025," katanya.

Beliau ditemui selepas majlis penutupan Hari Potensi Tabika Kemas peringkat kebangsaan yang dirasmikan EXCO Kemajuan Desa Datuk Rizam Ismail di sini pada 5 November.

Kaunseling atasi kes buli

SHAH ALAM - Sebanyak 4,994 kes buli berlaku di sekolah seluruh negara antara Januari hingga Oktober tahun ini, kata Timbalan Menteri Pendidikan Lim Hui Ying.

Beliau mengakui perlakuan sedemikian meningkat berbanding hanya 3,887 kes sepanjang 2022 berdasarkan data Sistem Sahsiah Diri Murid Kementerian Pendidikan.

"Siasatan telah dijalankan untuk semua kes ini dan tindakan susulan diambil melalui bimbingan dan kaunseling."

"Guru kaunseling akan ditambah jika kes buli meningkat. Ini kerana mereka perlu diberi bimbingan sewajarnya," katanya di Dewan Rakyat pada 1 November.

Bank Negara kekal OPR tiga peratus

SHAH ALAM - Jawatankuasa Dasar Monetari (MPC) Bank Negara Malaysia (BNM) mengekal Kadar Dasar Semalam (OPR) pada tiga peratus dalam mesyuarat terakhir tahun ini pada 2 November.

Menurut kenyataan BNM, pendirian dasar monetari kekal menyokong ekonomi serta konsisten dengan penilaian semasa mengenai inflasi dan prospek pertumbuhan, lapor Bernama.

Namun, MPC berwaspada terhadap perkembangan semasa untuk memaklumkan penilaian prospek inflasi dan pertumbuhan dalam negeri manakala ekonomi global dilihat terus berkembang.

"MPC akan memastikan pendirian dasar monetari kekal kondusif kepada pertumbuhan ekonomi yang mampan dalam keadaan kestabilan harga," kata kenyataan berkenaan.

Pada Januari hingga Mac, OPR kekal 2.75 peratus selepas empat kenaikan berturut-turut pada Mei, Julai, September dan November 2022 berbanding paras terendah 1.75 peratus sebelumnya.



MAJLIS PERBANDARAN SEPANG
Persiaran Semarak Api, Cyber 1
63200 CYBERJAYA
Selangor Darul Ehsan

KENYATAAN TENDER

1. Tender adalah dipelawa kepada **kontraktor-kontraktor** yang berdaftar dengan **CIDB, SPKK** dan **Unit Perancang Ekonomi Negeri (UPEN)** bagi kerja-kerja berikut:

BIL	NO. TENDER	TAJUK KERJA	BIDANG, SUB BIDANG & PECAHAN BIDANG	HARGA DOKUMEN
1.	T/MPSepang/BGN/72/2023	CADANGAN MEMBINA DAN MENYIAPKAN MENARA IBU PEJABAT MAJLIS PERBANDARAN SEPANG, CYBERJAYA YANG MENGANDUNG: A) 1 BLOK BANGUNAN 18 TINGKAT B) 1 BLOK DEWAN SERBAGUNA DAN 1 BLOK TEMPAT LETAK KERETA BERTINGKAT C) 1 BLOK BANGUNAN KEMUDAHAN MEKANIKAL DAN ELEKTRIKAL DI ATAS SEBAHAGIAN LOT 117619 DAN LOT 117620, MUKIM DENGKIL, DAERAH SEPANG, SELANGOR DARUL EHSAN UNTUK MAJLIS PERBANDARAN SEPANG BAGI TAHUN 2023	CIDB, SPKK DAN G7 DAN Kategori B (B04) & Kategori CE (CE21) DAN UPEN	RM5,000.00

2. Dokumen tender boleh dibeli secara atas talian melalui laman web <http://tender.selangor.gov.my> dan dokumen tender boleh dibeli di kaunter pada waktu pejabat di **Tingkat 3, Unit Tender Dan Kontrak**. Dokumen tender akan dikeluarkan mulai dari tarikh **15 November 2023 hingga 6 Disember 2023** dengan harga yang ditetapkan bagi senaskhah (tidak dikembalikan). Dokumen tender hanya dijual kepada kontraktor-kontraktor yang membawa sijil asal dan surat wakil (sekiranya bukan penama di dalam lesen) semasa pembelian dokumen tender. Dokumen yang perlu dibawa adalah Surat Lantikan Wakil, Lembaga Pembangunan Industri Pembinaan Malaysia (CIDB) dan Sijil Unit Perancang Ekonomi Negeri Selangor (UPEN). Bayaran dibuat secara atas talian melalui FPX, Kredit Kad dan Debit Kad atau secara Tunai, Wang Pos atau Bank Draft yang berpangalang atas nama 'Yang Dipertua Majlis Perbandaran Sepang'.

3. Kontraktor-kontraktor (**HANYA PENAMA DI DALAM LESEN DENGAN MEMBAWA SIJIL ASAL**) adalah **diharapkan** untuk membuat lawatan tapak bersama Pengawal Pengguna atau wakilnya. Hanya petender yang hadir pada lawatan tapak tersebut sahaja yang layak untuk memasuki tawaran ini. Petender dikehendaki melaporkan diri di tempat, tarikh dan masa seperti berikut:-

Tarikh : 15 November 2023
Masa Pendaftaran : 10.00 – 10.30 Pagi
Masa Taklimat : 10.30 Pagi
Tempat Berkumpul : Auditorium, Semarak Hall @ Cyberjaya, Cyberjaya, Selangor
Nota : Kegagalan kontraktor hadir pada waktu pendaftaran yang ditetapkan boleh menyebabkan kontraktor tidak boleh hadir taklimat, seterusnya tidak boleh membeli dokumen tender ini

4. Dokumen tender yang telah lengkap diisi hendaklah dihantar dalam sampul surat bermeteri dengan menuis **No. Tender** di sebelah sudut kiri sampul dan dimasukkan ke dalam peti tender di **Ruang Lobi Utama, Aras 2, Majlis Perbandaran Sepang, Cyberjaya, Selangor Darul Ehsan** sebelum atau pada jam **12.00 tengah hari pada 6 Disember 2023**.

5. Kontraktor-kontraktor yang **tidak menerima sebarang jawapan selepas empat (4 bulan)** dari tarikh tutup iklan hendaklah menganggap tawaran **tidak berjaya**. Majlis Perbandaran Sepang tidak terikat untuk menerima tender yang terendah atau sebarang tender atau memberi apa-apa sebab tender itu ditolak dan juga tidak bertanggungjawab ke atas sebarang kos perbelanjaan berhubung dengan tender ini dan sebarang keputusan adalah mutkamid.

Yang Dipertua
Majlis Perbandaran Sepang

Hanya remaja lahir 2007 ikuti PLKN

SHAH ALAM - Hanya remaja yang lahir pada 2007 dipanggil menjalani Program Latihan Khidmat Negara (PLKN) jika ia dilaksanakan pada 2024, menurut Kementerian Pertahanan.

Dalam kenyataan pada 3 November, kementerian itu menjelaskan pelatih dipilih mengikut tahun kelahiran tertentu bagi memulakan PLKN 3.0 menggunakan kaedah baharu, lapor Bernama.

"Secara dasarnya, kerajaan telah ber-setuju untuk memperkenalkan semula PLKN dengan kaedah yang baharu PLKN 3.0 selaras dengan Akta Latihan Khidmat

Negara 2003 (Akta 628).

"Sebagai contoh, sekiranya PLKN 3.0 dilaksanakan pada 2024, maka remaja yang hanya lahir pada 2007 akan dipanggil untuk menjalani latihan itu," menurut kenyataan tersebut.

Kementerian berkenaan memberitahu sekiranya pelatih boleh memohon penangguhan jika tidak dapat menyertai PLKN atas sebab yang dibenarkan.

"Had maksimum untuk menjadi pelatih adalah sehingga umur 35 tahun," kata kementerian yang menjelaskan kekeliruan dan kegusaran orang

awam mengenai penetapan umur pelatih.

Pada Oktober, kerajaan bersetuju meneruskan PLKN yang dimansuh pada 2018 menggunakan kaedah latihan berbeza berbanding sebelumnya dengan anak muda menjalani latihan di kem tentera.

Menteri Pertahanan Datuk Seri Mohamad Hasan berkata 13 kem tentera Wataniah akan digunakan untuk latihan selama tempoh 45 hari yang mampu menampung kapasiti sehingga 4,000 pelatih.

Hasil padanan kemahiran

954,520 pemohon dapat kerja

Oleh **ZAREEF MUZAMMIL**

GOMBAK - Seramai 954,520 individu seluruh negara mendapat kerja dalam pelbagai sektor melalui portal MyFutureJobs yang disediakan Pertubuhan Keselamatan Sosial (Perkeso) sejak 2020.

Menteri Sumber Manusia V Sivakumar menjelaskan angka setakat 19 Oktober menunjukkan seramai 231,267 daripada jumlah berkenaan memperoleh pekerjaan di Selangor.

"Kewujudan portal ini antara inisiatif bagi membantu pekerja yang diberhenti, individu menganggur atau graduan, belia dan pekerja yang sedang mencari pekerjaan baru."

"Portal itu membuat padanan pekerjaan berdasarkan kelayakan dan kemahiran pencari kerja," katanya ketika merasmikan Jelajah Madani bersama

Kementerian Sumber Manusia pada 5 November.

Dato' Menteri Besar Dato' Seri Amirudin Shari dan EXCO Sumber Manusia V Papparaidu turut hadir dalam program siri ketiga jelajah di Kampung Melayu Wira Damai, Batu Caves di sini.

Dalam majlis sama, mereka mengajah 150 bakul makanan bagi meringankan kos barang dapur golongan kurang berkemampuan termasuk 10 komputer riba untuk pelajar cemerlang.

Sivakumar juga memaklumkan sebanyak 33 peratus daripada 111,326 pelajar mendapat kerja di syarikat tempat mereka menjalani latihan industri antara 2012 hingga tahun lalu.

Beliau menambah 501 syarikat seluruh negara berdaftar bawah inisiatif saluran transisi dari alam persekolahan ke alam pekerjaan yang dijalankan dengan kerjasama TalentCorp.

TVET pilihan majikan

SHAH ALAM - Kadar kebolehpasaran kerja lepasan bidang Pendidikan dan Latihan Teknikal dan Vokasional (TVET) peringkat sijil hingga sarjana muda meningkat kepada 92.5 peratus.

Menteri Sumber Manusia V Sivakumar menjelaskan penilaian pada 2022 berbanding 88 peratus pada tahun sebelumnya membuktikan penerimaan baik majikan terhadap lepasan bidang berkenaan.

Katanya, promosi program TVET dipergiat melalui karnival, hebahan media sosial dan elektronik bagi menarik minat orang ramai khususnya lepasan sekolah bagi mengikuti latihan kemahiran.

"TVET sebagai pilihan utama dengan membuka luas peluang latihan kepada seluruh rakyat tanpa mengira kaum dan status sosioekonomi," kata beliau di Batu Caves di sini pada 5 November.

Beliau memaklumkan permohonan kemasukan ke 1,334 institusi TVET seluruh negara bagi sesi Januari 2024 dibuka mulai 30 Oktober hingga 13 November melalui pautan mohon. tvet.gov.my

"Saya mohon belia merebut peluang mencebur ke bidang TVET kerana kursus disesuaikan mengikut keperluan pasaran guna tenaga sekali gus menjamin peluang pekerjaan," katanya.



BANTU... Ketua Tanggungjawab Sosial dan Komunikasi Korporat Menteri Besar Selangor (Pemerbadanan) Ahmad Azri Zainal Nor (tengah) bertemu mangsa banjir di Sekolah Menengah Kebangsaan Dengkil, Sepang pada 7 November. Beberapa barang keperluan turut disumbang kepada 76 keluarga terlibat. Foto Facebook Ahmad Azri

Raih tiga anugerah di China

Inovasi dua PBT negeri diiktiraf

Oleh SITI ROHAIZAH ZAINAL & SOFIA NASIR

SHAH ALAM - Dua pihak berkuasa tempatan dari Selangor menerima pengiktirafan anugerah emas pada Konvensyen Antarabangsa Kawalan Mutu (ICQCC) 2023 di Beijing, China baru-baru ini.

Majlis Perbandaran Kuala Selangor (MPKS) yang menghasilkan produk Kaunter Semak Timbangan Layan Diri atau 'KASTILD' merangkul dua anugerah emas menerusi kumpulan Peharta daripada Jabatan Penilaian dan Pengurusan Harta MPKS.

"Ia mendapat pujian daripada juri antarabangsa kerana usaha MPKS dalam membendung aktiviti penipuan timbangan di dalam urus niaga," menurut kenyataan pihak berkuasa tempatan itu.

Anugerah emas kedua diraih kumpulan iCorp daripada Unit Korporat dan Perhubungan Awam yang memamer sistem e-Design untuk menyedia reka bentuk hebahan awam de-

ngan tepat dan pantas.

Sementara itu, Kumpulan Archy daripada Jabatan Bangunan dan Senibina Majlis Perbandaran Ampang Jaya (MPAJ) meraih emas menerusi inovasi 'Pocket Water'.

Inovasi itu merupakan sistem pengumpulan air hujan (SPAH) bersifat mudah alih dan merangkumi pelbagai aspek pelaksanaan matlamat pembangunan mampan (SDG).

"Semoga kejayaan ini menjadi pembakar semangat kepada MPAJ dalam usaha melestarikan pembangunan inovasi ke arah mencapai visi bandar digital dan berdaya huni menjelang 2025," katanya.

Persidangan ICQCC disertai 432 kumpulan Inovatif dan Kreatif dari pelbagai negara termasuk Singapura, Indonesia, Thailand, Korea, Taiwan, China dan India.

Perkenal pelan hadapi bah

SUBANG JAYA - Majlis Bandaraya Subang Jaya (MBSJ) menjadi pihak berkuasa tempatan (PBT) pertama memperkenal pelan kontingensi sebagai persediaan menghadapi bencana banjir.

Timbalan datuk bandar menjelaskan Pelan Operasi Bantuan Bencana itu memberi penekanan terhadap 25 lokasi risiko selain mengatasi kemusnahan harta benda dan kehilangan nyawa.

"Pelan ini hasil bengkel yang diadakan bersama semua agensi penyelamat dan jabatan-jabatan pada tahun lalu. Ia menjadi garis panduan yang lebih tersusun sekiranya berlaku banjir."

"Kita ambil pengajaran bencana pada 2021 dan buat pelan komprehensif melibatkan semua pihak termasuk pemimpin masyarakat," kata Mohd Zulkurnain Che Ali pada 2 November.

Beliau berkata bilik gerakan bencana PBT itu diaktifkan 24 jam mulai 20 November atau lebih awal, bergantung kepada keadaan cuaca.

Orang awam boleh hubungi Pusat Kawalan dan Panggilan MBSJ melalui talian 03-8024 7700 atau menggunakan Sistem Pengurusan Aduan Awam MBSJ jika ada sebarang aduan atau kecemasan.

Jejambat baru atasi kesesakan

HULU LANGAT - Pembukaan jejambat menghubungkan kawasan pembangunan Youcity di Cheras dengan Lebuhraya Cheras-Kajang bakal mengurangkan kesesakan lalu lintas di kawasan sekitar.

Timbalan yang dipertua Majlis Perbandaran Kajang (MPKj) berkata jejambat sepanjang 420 meter itu bakal memanfaatkan antara 10,000 hingga 15,000 penduduk meliputi 15 taman perumahan.

Mohd Fareez Mohd Ariss berkata kesesakan di Jalan Koop Cuepacs 3 dan Jalan PGA yang sebelum ini menjadi laluan utama ke Lebuhraya Cheras-Kajang arah Kuala Lumpur berkurangan.

"Selain kesesakan lalu lintas, ia juga menjadi jalan alternatif untuk kawasan taman yang sebelum ini menggunakan Jalan PGA Batu 7 1/2 untuk ke lebuh raya berkenaan."

"Pembukaannya mampu mengurangkan kesesakan pada waktu puncak pada kadar 30 hingga 40 peratus dan menjimatkan waktu perjalanan," katanya pada 3 November.

Sementara itu, Ahli Dewan Negeri Dusun Tua Datuk Johan Abd Aziz berkata pembukaan jejambat itu pasti melegakan penduduk sekitar.

"Ketika kempen pilihan raya negeri lalu, mereka ada buat aduan kerana jejambat ini masih belum dibuka, jadi saya ambil inisiatif hubungi Lembaga Lebuhraya Malaysia.

"Alhamdulillah ia sudah dibuka. Ini adalah usaha bersama semua pihak termasuk wakil rakyat dan ahli majlis terdahulu. Bagi saya, jalan untuk kegunaan awam tidak perlu dilengah-lengahkan, lebih cepat lebih baik," katanya.

Air Selangor
PENGURUSAN AIR SELANGOR SDN BHD
(201401006213)

KENYATAAN TENDER

BIL.	NO. TENDER	KETERANGAN
1.	PN0000016652	DESILTING AND CLEANING WORKS FOR RESIDUAL LAGOON AT SG. SEMENYIH WTP, REINFORCED CONCRETE MONSOON DRAIN & MINI INTAKE AT SEMENYIH DAM, POND A, B, AND C AT SEMENYIH 2 WTP, INTAKE & PRE-TREATMENT POND AT LABOHAN DAGANG WTP
2.	PN0000016653	TANK CLEANING SERVICES AND OTHER ASSOCIATED WORKS AT SUNGAI SEMENYIH & SEMENYIH 2 WATER TREATMENT PLANTS
3.	TBA	SUPPLY AND DELIVERY OF MILD STEEL CEMENT LINED (MSCL) PIPES AND FITTINGS SIZES ABOVE 1,000MM DIAMETER FOR PENGURUSAN AIR SELANGOR SDN BHD
4.	TBA	SUPPLY AND DELIVERY OF 13 UNITS OF NEW PROTON SAGA 1.3 PREMIUM COMPLETE WITH ACCESSORIES FOR PENGURUSAN AIR SELANGOR SDN BHD
5.	PN0000016720	SUPPLY AND DELIVERY OF ULTRASONIC, HYDROSTATIC LEVEL SENSORS AND PRESSURE TRANSMITTERS FOR AIR SELANGOR

KENYATAAN PRA-KELAYAKAN

BIL.	KETERANGAN
1.	PRA-KELAYAKAN SEBAGAI KONTRAKTOR PANEL BAGI KERJA-KERJA PEMBAIKAN DAN PENYENGARAAAN PAIP BERSAIZ 1000MM DAN KE ATAS

Untuk butiran lanjut dan penyertaan tender/prakelayakan di atas, sila layari laman web kami di <https://www.airselangor.com/vendor/tender-lists>. Sertai saluran Telegram kami di <https://t.me/tenderairselangor> untuk mendapatkan pemberitahuan tentang kemas kini tender kami. Kontraktor/Pembekal yang ingin menyertai tender di atas adalah **diwajibkan** untuk **berdaftar dengan Air Selangor**. Untuk mendaftar, sila ke pautan berikut: <https://www.airselangor.com/vendor> dan ikuti panduan yang dipaparkan di laman tersebut. Pendaftaran adalah **percuma**.

RM10,000 hadiah pertandingan foto

SHAH ALAM - Majlis Perbandaran Kajang (MPKj) menganjurkan pertandingan fotografi dan videografi yang menawarkan hadiah wang tunai hampir RM10,000.

Pihak berkuasa tempatan itu memaklumkan penyertaan percuma dan pertandingan terbuka kepada semua warganegara sehingga 15 Disember.

Pertandingan tersebut menyediakan dua kategori fotografi iaitu pemandangan landskap dan gaya hidup manakala videografi pula video tempat pelancongan (genre terbuka).

Johan pertandingan fotografi adalah RM2,000 manakala RM2,500 untuk juara videografi.

Maklumat lanjut hubungi Unit Perancangan Korporat dan Perhubungan Awam melalui talian 03-8737 7899 sambungan 7010 atau e-mel pertandinganfotografmpkj@gmail.com



MAJLIS PERBANDARAN SEPANG

Persiaran Semarak Api, Cyber 1
63200 CYBERJAYA
Selangor Darul Ehsan

KENYATAAN TENDER

1. Tender adalah dipelawa kepada **kontraktor-kontraktor** yang berdaftar dengan **CIDB, SPKK dan Unit Perancang Ekonomi Negeri (UPEN)** bagi kerja-kerja berikut:

BIL	NO. TENDER	TAJUK KERJA	BIDANG, SUB BIDANG & PECAHAN BIDANG	HARGA DOKUMEN
1.	T/MPSepang/KEJ/67/2023	CADANGAN KERJA MEMBAIKPULIH JALAN PUTRA IMPIANA PUCHONG UNTUK MAJLIS PERBANDARAN SEPANG BAGI TAHUN 2024	CIDB, SPKK DAN G5, Kategori CE (CE21) DAN UPEN	RM200.00
2.	T/MPSepang/KEJ/68/2023	CADANGAN KERJA MENAIKTARAF TEMPAT MELETAK KENDERAAN DI BERSEBELAHAN PADANG BOLA MAJLIS PERBANDARAN SEPANG UNTUK MAJLIS PERBANDARAN SEPANG BAGI TAHUN 2024	CIDB, SPKK DAN G3, Kategori CE (CE21) DAN UPEN	RM200.00
3.	T/MPSepang/KEJ/69/2023	CADANGAN KERJA MEMBAIKPULIH LONGKANG SERTA KERJA BERKAITAN DI MEDAN SELERA BANDAR BARU SALAK TINGGI, BANDAR BARU SALAK TINGGI, DAERAH SEPANG, SELANGOR DARUL EHSAN UNTUK MAJLIS PERBANDARAN SEPANG BAGI TAHUN 2024	CIDB, SPKK DAN G3, Kategori CE (CE21) DAN UPEN	RM200.00
4.	T/MPSepang/KEJ/70/2023	CADANGAN KERJA MEMBAIKPULIH LONGKANG SERTA KERJA BERKAITAN DI JALAN PUTRA PRIMA UTARA, DI JALAN TAMAN MAS DAN DI JALAN LINGKARAN PUTRA PRIMA, PUCHONG UNTUK MAJLIS PERBANDARAN SEPANG BAGI TAHUN 2023	CIDB, SPKK DAN G3, Kategori CE (CE21) DAN UPEN	RM200.00
5.	T/MPSepang/KEJ/71/2023	CADANGAN PERLANTIKAN KONTRAKTOR PANEL BAGI KERJA-KERJA PENYELENGGARAAN DAN PEMASANGAN LAMPU AWAM DI ZON PINGGIRAN CYBER, TAMAN SAINS SELANGOR CYBERJAYA (SCIENCE PARK), NUSAPUTRA, AMAN PUTRA DI KAWASAN PENTADBIRAN MAJLIS PERBANDARAN SEPANG BAGI TAHUN 2024 – PAKEJ M	CIDB, SPKK DAN G3 @ G4, Kategori ME (E04, E06, E11, E16 & E17) DAN UPEN	RM200.00

2. Dokumen tender boleh dibeli secara atas talian melalui laman web <http://tender.selangor.gov.my> dan dokumen tender boleh dibeli di kaunter pada waktu pejabat di **Tingkat 3, Unit Tender Dan Kontrak**. Dokumen tender akan dikeluarkan mulai dari tarikh **6 November 2023** hingga **28 November 2023** dengan harga yang ditetapkan bagi senaskah (tidak dikembalikan). Dokumen tender hanya dijual kepada kontraktor-kontraktor yang membawa sijil asal dan surat wakil (sekiranya bukan penama di dalam lesen) semasa pembelian dokumen tender. Dokumen yang perlu dibawa adalah Surat Lantikan Wakil, Lembaga Pembangunan Industri Pembinaan Malaysia (CIDB) dan Sijil Unit Perancang Ekonomi Negeri Selangor (UPEN). Bayaran dibuat secara atas talian melalui FPX, Kredit Kad dan Debit Kad atau secara Tunai, Wang Pos atau Bank Draft yang berpalang atas nama 'Yang Dipertua Majlis Perbandaran Sepang'.
3. Dokumen tender yang telah lengkap diisi hendaklah dihantar dalam sampul surat bermeteri dengan menulis **No. Tender** di sebelah sudut kiri sampul dan dimasukkan ke dalam peti tender di **Ruang Lobi Utama, Aras 2, Majlis Perbandaran Sepang, Cyberjaya, Selangor Darul Ehsan** sebelum atau pada jam **12.00 tengah hari** pada **28 November 2023**.
4. Kontraktor-kontraktor yang **tidak menerima sebarang jawapan selepas empat (4 bulan)** dari tarikh tutup iklan hendaklah menganggap tawaran **tidak berjaya**. Majlis Perbandaran Sepang tidak terikat untuk menerima tender yang terendah atau sebarang tender atau memberi apa-apa sebab tender itu ditolak dan juga tidak bertanggungjawab ke atas sebarang kos perbelanjaan berhubung dengan tender ini dan sebarang keputusan adalah muktamad.

LZS sasar 12,000 penerima zakat

SHAH ALAM - Seramai 12,000 asnaf disasar menerima manfaat menerusi pelbagai program bantuan yang disediakan Lembaga Zakat Selangor (LZS) menjelang hujung tahun ini.

Timbalan ketua Divisyen Operasi Agihan Asnafnya berkata skuad menjelak kemiskinan mencari seberapa ramai mungkin asnaf bagi memastikan tiada keluarga tercincir daripada menerima bantuan.



Md Yusmizan Yusof menambah LZS ada kira-kira 1,800 penolong amil kariah untuk mengesan golongan miskin yang tercincir dan memerlukan bantuan sama ada di bandar atau luar bandar.

"Setakat ini, hampir 10,000 asnaf disantuni dengan kerjasama pelbagai agensi melalui skuad jejak kemiskinan yang diwujudkan di setiap masjid dan daerah di Selangor.

"RM200 juta diperuntuk sebagai bantuan kewangan bulanan, RM100

juta untuk perubatan seperti dialisis dan RM1 juta untuk sumbangan makanan asas kepada asnaf," katanya pada 31 Oktober.

Md Yusmizan juga menjelaskan pelbagai faktor menjadi penyebab seseorang menjadi asnaf antaranya dibuang kerja dan tahap kesihatan mereka yang merosot.

"Kita akan semak bagi menentukan mereka yang layak menerima bantuan dengan had kifayah RM2,990. Jika layak, kita salur bantuan asas termasuk kewangan dan tempat tinggal," katanya.

Hulur bantuan bulanan, perubatan

SHAH ALAM - Lima bekas pekerja Kumpulan Media Primax Berhad menerima bantuan kewangan bulanan, kata timbalan ketua Divisyen Operasi Agihan Asnaf Lembaga Zakat Selangor (LZS).

Md Yusmizan Yusof menjelaskan empat daripada mereka menerima bantuan RM500 sebulan selain bayaran tunggakan ansuran rumah serta bil utiliti.

"Seorang lagi menerima bantuan perubatan pembelian alat cucian luka, ujian glukosa, susu khas dan kerusi roda baharu selain bantuan RM500 secara bulanan," katanya pada 31 Oktober.

Beliau berkata pihaknya bekerjasama dengan Persatuan Bekas Kakitangan Media Primax untuk menyelaraskan ringankan beban ahli persatuan tersebut.

"Persatuan bekas kakitangan mengambil jasama dengan yang terjejas sumber pendapatan dan kesihatan agar tidak kecinciran," katanya.

Pengerusi Tetap ERATV Badariah Abd Jalil menyatakan penghargaan atas keprihatinan LZS menghulur bantuan kepada bekas pekerja syarikat itu.

"Kami bekerjasama dengan LZS untuk menjelaki mereka yang mengalami masalah kesihatan sehingga menjaskan pendapatan. Bantuan ini diharap akan meringankan beban mereka," katanya.



ini mengumpul tangan TV3 jadi langkah bekerjama membantu mereka

pendapatan dan kesihatan agar tidak kecinciran," katanya.

Jom sertai latihan

SHAH ALAM - Golongan asnaf, fakir dan miskin berumur 16 hingga 40 tahun yang berdaftar dengan Lembaga Zakat Selangor dipelawa menyertai kursus kemahiran percuma.

Program Latihan Peningkatan Kemahiran (Pensijilan Profesional) dengan kerjasama Akademi Credence disasar kepada pekerja sampingan, usahawan, peniaga sambilan, bekerja sendiri dan pencari kerja.

"Jangan lepaskan peluang menyertai Kursus Tajauh Penuh Pensijilan Customer Experience CX4.0 Associate.

"Program ini turut menyediakan pengangkutan, penginapan, bayaran kursus percuma serta eluan RM300 kepada peserta yang tamat kursus," menurut kenyataan di Facebook pada 3 November.

Menurut LZS, peserta perlu memiliki Sijil Pelajaran Malaysia dan ke bawah selain tidak ada caruman Pertubuhan Keselamatan Sosial (Perkeso) dalam tempoh enam bulan.

Kursus selama empat hari bermula 20 November diadakan di Ulu Yam, Hulu Selangor. Peserta bakal dilatih dalam pelbagai kemahiran khususnya perkhidmatan perlanggan.

Pendaftaran boleh dibuat menerusi pautan forms.gle/UhNrK5jNfudvskdz6



JUARA... Pemain bawah 18 tahun Sekolah Menengah Kebangsaan (SMK) Meru menjulang Piala Dato' Mokhtar Dahari 2023 selepas menewaskan SMK Dato' Harun menerusi sepakan penalti 3-2 di Arena MBSJ, Subang Jaya pada 6 November. Foto Pengajur Piala Dato' Mokhtar Dahari

Belasah Najmi SFFC 5-0

Sijangkang City FC kekal teratas

Oleh AFIX REDZUAN

SHAH ALAM - Sijangkang City FC mengukuhkan cengkaman di persada kumpulan B selepas membelasah Najmi SFFC Kota Damansara 5-0 dalam perlawanan keenam Liga Juara Selangor (SCL 2023) pada 4 November.

Skuad kendalian Zamri Hassan membuka jaringan di Arena MBSJ, Subang Jaya pada minit ke-32 menerusi Faiz Zikri diikuti dua gol M Terence, Manaf Mamat dan Hariz Fazrin.

Kejohanan Sukses tawar 377 pingat

SHAH ALAM - Sebanyak 377 pingat ditawarkan dalam Kejohanan Sukan Selangor (Sukses) yang kembali dianjur sehingga 19 November selepas tertangguh susulan pandemik Covid-19.

EXCO sukan berkata kejohanan edisi ke-14 di sekitar Hulu Langat mengetengah 109 acara antaranya olahraga, pencak silat, boling padang, ping-pong, petanque dan sepak takraw.

Menurut Najwan Halimi, pertandi-

SFC Youth turut melakar kemenangan kedua musim ini menewaskan MBSA FC 2-0 hasil jaringan Faizal Abdul seawal minit keenam dan Danish Alif pada minit ke-28.

Dua lagi perlawanan dalam kumpulan sama antara Kelana United-NPNG Damansara Perdana dan AAK FC Puncak Alam-Kajang Northern Merbau FC berkesudahan seri tanpa jaringan.

Sementara itu, Kg Bharu Boss FC memperbaiki kedudukan dalam kumpulan A selepas menang tipis 2-1

menewaskan Ampang Ukay Positive FC pada 5 November.

Ketinggalan 0-1 pada minit kesepuluh menerusi jaringan Faes Hakimi, skuad bimbingan Faiirose Salim bangkit pada babak kedua, menerusi jaringan Alif Izwan dan gol lewat permainan Ridhwan Johan.

Ingress KL FC juga cemerlang mengutip mata selepas bangkit mengikat Tebuan FC Kg Pinang 2-2 menerusi jaringan Danesh Saravanan dan Haedar Abd Halim pada babak kedua.

ngan dwitahunan itu disertai 1,500 atlet berusia bawah 21 tahun terdiri daripada pelajar sekolah menengah dan institusi pengajian tinggi yang mewakili sembilan daerah negeri ini.

"Pemilihan atlet mewakili daerah dan program bawah Majlis Sukan Negeri (MSN) Daerah dibuat berdasarkan skor merit. Di peringkat MSN Selangor, ada tatacara operasi piawai ditetapkan bagi melayakkan atlet terbabit memasuki kejohanan ini."

"Atlet dipantau daripada segi prestasi semasa menjalani latihan supaya pemilihan ke kejohanan ini dibuat secara telus dan terbuka," katanya di Kompleks Generasi Muda dan Sukan Selangor, Seksyen 7 di sini pada 6 November.

Beliau berkata Sukses antara pendekatan Kerajaan Negeri menggalakkan pembangunan sukan peringkat akar umbi selain menjadi medan menilai prestasi atlet.

Giat usaha raih kejuaraan SUKMA

SHAH ALAM - Majlis Sukan Negeri (MSN) Selangor mempergiat usaha dan tumpuan kepada acara yang diyakini mampu memberi pingat dalam kejohanan Sukan Malaysia (SUKMA) 2024.

EXCO Sukan Najwan Halimi berkata bersandarkan prestasi terkini atlet Selangor menyasarkan kedudukan teratas kutipan pingat bagi meraih juara keseluruhan, lapor Bernama.

"Proses persiapan dan latihan telah bermula dan insya-Allah kita akan bagi yang terbaik untuk SUKMA nanti dengan prospek pingat emas kita termasuk acara seperti akuatik, olahraga, boling padang, boling, menembak dan memanah," katanya pada 1 November.

Najwan berkata Kerajaan Negeri juga menyambut baik peruntukan RM50 juta untuk penyelenggaraan kemudahan sukan seluruh negara.

Bukit Jalil lokasi lawan Kyrgyzstan

SHAH ALAM - Stadium Nasional Bukit Jalil kekal sebagai lokasi aksi sulung kumpulan D pusingan kedua kelayakan Piala Dunia 2026/Piala Asia 2027 antara Harimau Malaya dan Kyrgyzstan pada 16 November.

Setiausaha Agung Persatuan Bolasepak Malaysia Datuk Noor Azman Rahman berkata ketetapan itu dibuat selepas penilaian terkini bersama Menteri Belia dan Sukan Hannah Yeoh, Pengurus Perbadanan Stadium Malaysia (PSM) Datuk Hans Isaac dan Ketua Jurulatih Harimau Malaya Kim Pan Gon.

"Pihak PSM menerusi pandangan dan nasihat pihak konsultan teknikal serta kontraktornya mengesahkan bahawa padang berkenaan kini dalam keadaan lebih baik berbanding ketika Pestabola Merdeka bulan lepas," katanya pada 4 November.

Beliau berkata keputusan untuk bermain di stadium itu mengambil kira faktor lain terutama memberi kemudahan kepada penyokong Harimau Malaya untuk hadir.

RM2 juta lahir pelapis golf

PETALING JAYA - Sebanyak RM2 juta diperuntuk Kerajaan Negeri bagi membangun sukan golf selain melahirkan pemain profesional pada masa akan datang.

Setiausaha Kerajaan Negeri Dato' Haris Kasim berkata Selangor komited membangun sukan berkenaan di peringkat akar umbi dengan menganjur Kejohanan Golf Remaja Antarabangsa Selangor 2023.

"Kita sedar Malaysia kekurangan atlet golf di peringkat antarabangsa, dengan adanya program ini bakat-bakat pemain muda ini dapat dicungkil dan diketengahkan."

"Menerusi usaha ini, Kerajaan Negeri meletak satu bajet khusus kira-kira RM2 juta supaya negara mempunyai pelapis pada masa akan datang," katanya.



BORHAN AMAN SHAH

Tanjung Sepat

menyampaikan sumbangan kepada penduduk di pusat khidmat DUN beliau



DATUK RIZAM ISMAIL

Sungai Air Tawar

menziarahi warga emas di kawasan DUN beliau



DANIAL AL RASHID

Batu Tiga

menyerahkan sumbangan Deepavali di Seksyen 24, Shah Alam



DR G GUNARAJ

Sentosa

mengajih sumbangan kepada penduduk di sekitar DUN beliau



PUA PEI LING

Bukit Lanjan

memberi cenderahati perayaan di Kampung Desa Aman, Shah Alam



LWI KIAN KEONG

Sungai Pelek

mendengar aduan penduduk di Taman Salak Budi, Sepang

1,150 terima baucar RM200

SHAH ALAM - Seramai 1,150 golongan berpendapatan rendah sekitar Parlimen Kuala Selangor menerima baucar Jom Shopping sempena Deepavali.

Ahli Parlimennya Datuk Seri Dr Dzulkefly Ahmad berkata baucar RM200 diagih berperingkat melibatkan Dewan Undangan Negeri (DUN) Bukit Melawati (400), Ijok (400) dan Jeram (350).

"Sumbangan daripada Kerajaan Negeri ini sudah diserahkan kepada penerima DUN Bukit Melawati di Lotus's Kuala Selangor diikuti penduduk DUN Jeram dan Ijok.

"Semoga usaha ini dapat meringankan beban mereka menyediakan ke-

perluan sekali gus memeriahkan sambutan perayaan Deepavali mereka," katanya pada 1 November.

Jom Shopping Raya diperkenal Kerajaan Negeri yang menyasar golongan berpendapatan rendah sebagai inisiatif jangka panjang bagi membela kebajikan dan kesejahteraan rakyat.

Serahan bantuan dibuat melalui pusat khidmat masyarakat di kawasan masing-masing mengikut komponen utama kaum dan sambutan perayaan.

Belanjawan tahun ini memperuntuk RM16.48 juta bagi memanfaat 82,400 penerima selepas nilai baucar dinaikkan daripada RM100 kepada RM200 berikutan situasi ekonomi dan keperluan rakyat.

Gotong-royong bersih saliran

SHAH ALAM - Ahli Dewan Undangan (ADN) Meru yakin Kerajaan Negeri menyediakan peruntuhan lebih tinggi pada Belanjawan Selangor 2024 dalam usaha menangani isu banjir.

Mariam Abdul Rashid berkata beberapa longkang dan parit yang menjadi punca banjir di kawasan itu kini dalam proses penyelenggaraan sebagai langkah segera menghadapi peralihan monsun.

"Projek pembinaan empat kolam tadahan yang merupakan usaha jangka panjang menangani isu banjir akan bermula awal tahun depan dengan tempoh pelaksanaan dijangka dua tahun.

"Peruntukan akan digunakan sebaik mungkin kerana rakyat mahukan perubahan bukan sahaja dari segi ekonomi tetapi prasarana terutama



berkaitan masalah banjir," katanya pada 2 November.

Mariam juga berharap belanjawan memberi lebih tumpuan kepada isu kebajikan rakyat berikutnya hampir separuh penduduk DUN berkenaan terdiri daripada golongan berpendapatan rendah (B40).

"Saya berharap peruntukan lebih diberikan untuk kita sama-sama membantu golongan yang memerlukan dan ini termasuklah mengurangkan bebanan golongan orang kurang upaya," katanya.

Belanjawan Selangor dibentang Dato' Menteri Besar Dato' Seri Amirudin Shari pada 10 November di Dewan Negeri Selangor.

Bagi belanjawan negeri tahun ini, sebanyak RM2.45 bilion diluluskan melibatkan perbelanjaan pengurusan berjumlah RM1.25 bilion manakala pembangunan pula RM1.2 bilion.

Tumpu atasi banjir kilat

HULU LANGAT - Usaha mengurangkan kesesakan lalu lintas dan projek tebatan banjir diharap antara agenda dalam Belanjawan Selangor 2024 yang dibentang pada 10 November ini.

Ahli Dewan Negeri Dusun Tua Datuk Johan Abd Aziz berkata perkara itu dibangkitkan penduduk yang mahu melihat projek penyuraian trafik dan tebatan banjir dijayaan pada tahun depan.

"Saya harap dalam Belanjawan Selangor 2024, projek tebatan banjir dan infrastruktur jalan raya bagi atasi kesesakan lalu lintas dapat diberi keutamaan dan disegerakan.



"Selepas banjir 2021, perparitan banyak tersumbat. Jika ini tidak segerakan, khuatir berlaku banjir besar lagi yang menjaskan hampir 7,000 rumah," katanya pada 3 November.

Sebelum ini, EXCO Infrastruktur Ir Izham Hashim memaklumkan 25 daripada 85 projek tebatan banjir di negeri ini diselesaikan setakat Ogos menerusi peruntukan kerajaan persekutuan dan negeri bernilai kira-kira RM1.11 bilion.

Selebihnya masih di peringkat perlaksanaan (kerja fizikal), prapelaksanaan (reka bentuk) dan dijangka selesei berperingkat hingga 2025.



MAJLIS PERBANDARAN SEPANG

Persiaran Semarak Api, Cyber 1, 63200 CYBERJAYA, Selangor Darul Ehsan

KENYATAAN TENDER

1. Tender adalah dipelawa kepada kontraktor-kontraktor yang berdaftar dengan Kementerian Kewangan Malaysia (MOF) dan Unit Perancang Ekonomi Negeri (UPEN) bagi kerja-kerja berikut :

BIL.	NO. TENDER	TAJUK KERJA	BIDANG, SUB BIDANG & PECAHAN BIDANG	HARGA DOKUMEN
1.	T/MPSepang/JKP/73/2023	CADANGAN PERKHIDMATAN BAGI KERJA-KERJA MENCUCI BANGUNAN DAN PEMBERISIHAN DI IBU PEJABAT MAJLIS PERBANDARAN SEPANG UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia MOF (221001 – Pembersihan Bangunan dan Pejabat DAN 221002 – Membersih Kawasan) DAN UPEN	RM 200.00

2. Dokumen tender boleh dibeli secara atas talian melalui laman web <http://tender.selangor.gov.my> atau di kaunter pada waktu pejabat di Tingkat 3, Unit Tender Dan Kontrak. Dokumen tender akan dikeluarkan mulai dari tarikh **09 November 2023 hingga 01 Disember 2023** dengan harga yang ditetapkan bagi senaskah (tidak dikembalikan). Dokumen tender hanya dijual kepada kontraktor-kontraktor yang membawa sijil asal dan surat wakil (sekiranya bukan penama di dalam lesen) semasa pembelian dokumen tender. Dokumen yang perlu di bawa adalah Surat Lantikan Wakil, Sijil Kementerian Kewangan Malaysia (MOF), Sijil Unit Perancang Ekonomi Negeri Selangor (UPEN). Bayaran dibuat secara atas talian melalui FPX, Kredit Kad dan Debit Kad atau secara Tunai, Wang Pos atau Bank Draft yang berpalang atas nama 'Yang Dipertua Majlis Perbandaran Sepang'.

3. Dokumen tender yang telah lengkap diisi hendaklah dihantar dalam sampul surat bermeteri dengan menulis No. Tender disebelah sudut kiri sampul dan dimasukkan ke dalam peti tender di Ruang Lobi Utama, Aras 2, Majlis Perbandaran Sepang, Cyberjaya, Selangor Darul Ehsan sebelum atau pada jam 12.00 Tengahari pada **01 Disember 2023**.

4. Kontraktor-kontraktor yang **tidak menerima sebarang jawapan selepas empat (4 bulan)** dari tarikh tutup iklan hendaklah menganggap tawaran **tidak berjaya**. Majlis Perbandaran Sepang tidak terikat untuk menerima tender yang terendah atau sebarang tender atau memberi apa-apa sebab tender itu ditolak dan juga tidak bertanggungjawab ke atas sebarang kos perbelanjaan berhubung dengan tender ini dan sebarang keputusan adalah muktamad.

1. Tender adalah dipelawa kepada kontraktor-kontraktor yang berdaftar dengan Kementerian Kewangan Malaysia (MOF) dan Unit Perancang Ekonomi Negeri (UPEN) bagi kerja-kerja berikut :

BIL.	NO. TENDER	TAJUK KERJA	BIDANG, SUB BIDANG & PECAHAN BIDANG	HARGA DOKUMEN
1.	T/MPSepang/LAND/74/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN ADIVA DAN AMANI, BANDAR SERENIA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
2.	T/MPSepang/LAND/75/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN JASPER SQUARE DAN CIPTA 1, BANDAR SUNSURIA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
3.	T/MPSepang/LAND/76/2023	CADANGAN KERJA-KERJA PENYELENGGARAAN LANDSKAP, MENCUCI LONGKANG, PEMOTONGAN RUMPUT DAN SAPUAN BAGI KAWASAN GLOMAC CYBERJAYA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
4.	T/MPSepang/LAND/77/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN PARK & RIDE DAN STREETMALL CYBERJAYA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
5.	T/MPSepang/LAND/78/2023	CADANGAN KERJA-KERJA PENYELENGGARAAN LANDSKAP LEMBUT (TANPA CANTASAN POKOK TEDUHAN) JALAN D2 (PERSIARAN HARMONI) DAN JALAN UTAMA GARDEN RESIDENCE CYBERJAYA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
6.	T/MPSepang/LAND/79/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN TAMAN TASIK CYBERJAYA DAN KAWASAN LETAK KENDERaan UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
7.	T/MPSepang/LAND/80/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN TAMAN MINI CYBERJAYA UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
8.	T/MPSepang/LAND/81/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN KEJIRANAN DI TAMAN PRIMA TROPICAL DAN TAMAN ALAM PUTRA SERI KEMBANGAN UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00
9.	T/MPSepang/LAND/82/2023	CADANGAN KERJA-KERJA PENYELENGGARAAN LANDSKAP LEMBUT BAGI KAWASAN SIMPANG EMPAT JEJANTAS SALAK, SIMPANG TIGA MOVENPICK & BULATAN Klia, Klia UNTUK MAJLIS PERBANDARAN SEPANG BAGI TEMPOH 24 BULAN	Kementerian Kewangan Malaysia (MOF) (221002 - Membersih Kawasan DAN 221402 Hiasan Jalan / Kawasan), SIJIL KURSUS PENYELENGGARAAN LANDSKAP DAN UPEN	RM 200.00

2. Dokumen tender boleh dibeli secara atas talian melalui laman web <http://tender.selangor.gov.my> atau di kaunter pada waktu pejabat di Tingkat 3, Unit Tender Dan Kontrak. Dokumen tender akan dikeluarkan mulai dari tarikh **09 November 2023 hingga 01 Disember 2023** dengan harga yang ditetapkan bagi senaskah (tidak dikembalikan). Dokumen tender hanya dijual kepada kontraktor-kontraktor yang membawa sijil asal dan surat wakil (sekiranya bukan penama di dalam lesen) semasa pembelian dokumen tender. Dokumen yang perlu di bawa adalah Surat Lantikan Wakil, Sijil Kementerian Kewangan Malaysia (MOF), Sijil Unit Perancang Ekonomi Negeri Selangor (UPEN). Bayaran dibuat secara atas talian melalui FPX, Kredit Kad dan Debit Kad atau secara Tunai, Wang Pos atau Bank Draft yang berpalang atas nama 'Yang Dipertua Majlis Perbandaran Sepang'.

3. Dokumen tender yang telah lengkap diisi hendaklah dihantar dalam sampul surat bermeteri dengan menulis No. Tender disebelah sudut kiri sampul dan dimasukkan ke dalam peti tender di Ruang Lobi Utama, Aras 2, Majlis Perbandaran Sepang, Cyberjaya, Selangor Darul Ehsan sebelum atau pada jam 12.00 Tengahari pada **01 Disember 2023**.

4. Kontraktor-kontraktor yang **tidak menerima sebarang jawapan selepas empat (4 bulan)** dari tarikh tutup iklan hendaklah menganggap tawaran **tidak berjaya**. Majlis Perbandaran Sepang tidak terikat untuk menerima tender yang terendah atau sebarang tender atau memberi apa-apa sebab tender itu ditolak dan juga tidak bertanggungjawab ke atas sebarang kos perbelanjaan berhubung dengan tender ini dan sebarang keputusan adalah muktamad.

selangorkini

Siaran langsung belanjawan 10 Nov

SHAH ALAM - Dato' Menteri Besar Dato' Seri Amirudin Shari dijadual membentang Belanjawan Selangor 2024 dalam sidang Dewan Negeri Selangor (DNS) pada 10 November.

Orang ramai boleh mengikuti siaran langsung pembentangan berkenaan melalui laman sesawang SelangorTV selain Facebook Media Selangor dan Amirudin Shari.

Laporan berita pula boleh diikuti melalui Selangorkini selain versi bahasa Inggeris, Mandarin dan Tamil manakala edisi cetak berbahasa Melayu terbit keesokannya.

Menurut Speaker Lau Weng San, sesi pembentangan belanjawan berkenaan diikuti persidangan dewan yang dijangka berlangsung selama dua minggu hingga 24 November.

Tuan rumah sepak takraw 2024

SHAH ALAM - Malaysia diberi penghormatan buat kali kedua oleh Persekutuan Sepaktakraw Antarabangsa (ISTAF) untuk menjadi tuan rumah Piala Dunia Sepak Takraw 2024 pada 17 hingga 27 Mei tahun depan.

Setiausaha Agung ISTAF Datuk Abdul Halim Kader berkata kejohanan yang kali terakhir dianjurkan Malaysia pada 2011 akan melibatkan penyertaan dari 20 negara.

"ISTAF bersetuju memberi pengiktirafan kepada Persatuan Sepaktakraw Malaysia (PSM) bagi menganjurkan Piala Dunia Sepak Takraw yang akan berlangsung pada Mei tahun depan di Stadium Titiwangsa.

"Persetujuan turut dibuat berhubung cadangan PSM untuk mempertandingkan dua kategori iaitu lelaki dan wanita dalam acara regu dan kuadran," katanya seperti dilapor Bernama pada 4 November.

Sebelum ini, Piala Dunia Sepak Takraw 2022 berlangsung di Daejeon, Korea Selatan dengan Malaysia berjaya membawa pulang satu perak dan gangsa.

pancawarna

Meriah kerlipan cahaya pesta kemenangan

Deepavali disambut dengan rasa gembira dan penuh kesyukuran



12&13

Perlindungan sehingga RM10,000

INSAN sediakan insurans percuma dari bayi hingga warga emas

9



Sami bantu cari lembu korban hilang

Penduduk Bukit Rotan teguh toleransi agama dan hidup harmoni

15



Amirudin menyampaikan e-baucar buku kepada mahasiswa Selangor selepas merasmikan Tekad Pendidikan #KitaSelangor di Universiti Kebangsaan Malaysia, Bangi, Hulu Langat pada 6 November 2023. Foto FIKRI YUSOF

Tunai lima janji Tekad Kita Selangor

1,000 mahasiswa terima e-baucar buku

Oleh SUHAILA SHAHRUL ANNUAR

HULU LANGAT - Satu lagi tawaran Tekad Kita Selangor dipenuhi Kerajaan Negeri menjadikan lima janji dilunaskan dalam tempoh 100 hari pentadbiran Kerajaan Perpaduan di Selangor.

Tawaran itu ialah bantuan e-baucar mahasiswa buku Kita Selangor yang dilancarkan Dato' Menteri Besar Dato' Seri Amirudin Shari dan memanfaatkan 1,000 mahasiswa dengan peruntukan keseluruhan RM200,000.

Seramai 1,000 mahasiswa anak Selangor yang menuntut di institusi pengajian tinggi awam (IPTA) dan institusi

pengajian tinggi swasta (IPTS) menerima e-baucar buku Kita Selangor bernilai RM200 daripada Menteri Besar Selangor (Pemerbadanan) atau MBI.

"Inisiatif ini antaranya mahu membentuk masyarakat yang terbina dengan ilmu pengetahuan. Tahun depan insya-Allah akan diteruskan lagi dengan jumlah lebih ramai," katanya ketika menyempurnakan Tekad Pendidikan Kita Selangor: Penyerahan e-Baucar Buku Mahasiswa 2023 di Universiti Kebangsaan Malaysia (UKM) pada 6 November.

Inisiatif ini memberi manfaat kepada 1,000 mahasiswa yang menuntut di sembilan IPTA dan PTS antaranya Pusat Pembangunan Kemahiran Teknikal Se-

langor, Universiti Selangor (Unisel), Universiti Islam Selangor (UIS) dan Universiti Teknologi Mara (UiTM).

Mahasiswa yang layak boleh menebus e-baucar dan membuat pembelian buku secara digital menerusi pautan mall.bookcapital.com.my/ milik Perbadanan Kota Buku (agensi di bawah Kementerian Pendidikan Malaysia) dan ia terhad sehingga 31 Disember ini.

Empat janji sebelum ini iaitu insentif RM1,000 bagi penjagaan anak, pengecualian cukai taksiran, kenaikan eluan pentadbiran insititusi Islam dan RM1,000 untuk nelayan serta petani telah ditunaikan dalam tempoh 100 hari pentadbiran.